



蘭書卷之十

真



13
201
2



門 3  
號 101  
卷 2



蘭雪堂古事苑定本卷之四 行字本



饒安 鄧志謨景南 編輯

戴 岷潔澄

西泠 戴 璵瀾石 叅定

戴 琰師會

明治三十六年九月十四日

市島謙吉氏寄贈

英賢

丹丘焚日名世生期。綵雲聚時賢人隱處齊四臣。照千里黔夫種首輩。炳耀霸功。唐諸士復二京。子儀李晟等。頡頏將略。文王美佐。為疏附。為先後。為奔走。為禦侮。造

英賢

蘭雪堂

周家有道之長戰國豪君曰信陵曰平原曰春申曰孟嘗  
 嘗逞季世爭雄之力呂端為台輔器天子股肱東之真  
 宰相才臣工冠冕耿將軍英風灑灑為天邊附鳳之人  
 李學士豪氣翩翩作海上鈞鰲之客氣雄千古終生請  
 弱冠之纓志蓋羣公司馬題壯年之柱文舉博聞強記  
 見敬於陳登寇恂禦衆牧民受知於光武陳自然寸心  
 耿耿謝安石大才槃槃毛遂為處囊之錐必然脫穎趙  
 壹是斬鯨之劍更已發矟裴琰之英敏無朋乃霹靂手  
 顧君孝丰儀迥別真騷躡蹄五嶽為詞峰四溟作胸臆



皮公賦英雄豪舉之詩稷契光虞夏伊呂翼商周王儉  
 詠宰相風流之句員半千必乾坤啓運乃產此人張萬  
 福雖草木知名更稱異品虞世南擅五絕文林技藝諒  
 無雙馮士式中三元翰苑詞章推第一九齡金鑑天子  
 著龜李勣長城生民保障何子朗固人中爽爽劉盆子  
 乃鐵裏錚錚相業恢弘婦孺識司馬名姓治功炳燿邊  
 塞問富公起居郭泰起多士之景從馬周來四輩之督  
 趣為人必學唐王翰乃有比鄰生子當如孫仲謀差堪  
 齒吻

史記魏惠王曰寡人有徑寸之珠照車前後各十二  
 乘者十枚齊王曰吾有四臣將照千里豈特十二乘  
 哉四臣謂黔夫種首盼子檀子也唐書祿山反子儀諸人恢復之  
 子儀封汾陽王後乃以傘騎退敵朱泚反李晟等擊  
 之作露布上行在曰臣已肅清宮禁祇謁寢閣鍾簾  
 不移廟貌如故上泣下曰天生李晟非為朕也大  
 雅文王詩云虞芮質厥成文王嘏厥生予曰有疏附  
 予曰有先後予曰有奔走予曰有禦侮史稱戰國  
 四君者楚春申君名歇趙平原君名勝魏信陵君名

無忌齊孟嘗君名文俱各以功力相尚當時謂四豪  
 宋趙普在中書呂端為參政趙嘗語人曰吾觀呂  
 公奏事得嘉賞未嘗喜遇抑挫未嘗懼真台輔之器  
 也唐書武后謂狄仁傑曰安得一奇士用之仁傑  
 曰張柬之雖老宰相才也漢諸將欲上光武尊號  
 光武不可耿純進曰諸將從大王於矢石間正願攀  
 龍鱗附鳳翼耳今不正尊號大眾必散矣光武乃即  
 位李白事詳後人品類終軍年弱冠上書曰臣請授長纓  
 縛南粵王致闕下武帝壯之司馬相如過昇仙橋

題其柱曰不乘駟馬車不復過此橋後果建節而還  
後漢陳矯謂陳登曰遠近之論謂明府驕而自矜  
登曰閨門雍穆有德有行吾敬陳元方兄弟淵清玉  
潔有禮有法吾敬華子魚清修疾惡有識有義吾敬  
趙元達博聞強記奇逸卓犖吾敬孔文舉雄姿傑出  
有王霸之略吾敬劉玄德所敬如此何驕之有冠  
詳薦馬子才送陳自然序云子之此遊挾何術以  
往曰吾視囊中不見乎有物視吾胸中耿耿者尚在  
也晉謝安王坦之時稱大才槃槃謝家安江東獨

步王文度史記平原君修好於楚毛遂請行平原  
君曰士之處世如錐之處囊其末立見遂曰使臣得  
處囊中則脫穎而出矣後漢趙壹羊陟造其廬奇  
之曰子之才發硎之刃也不用之斬鯨刺犀負此鋒  
銳矣唐裴琰之為同州司戶年少刺史輕之命判  
積案數百道琰之一時剖決刺史大驚號霹靂手  
晉顧和字君孝族叔榮見其丰儀迥別恒雅重之謂  
人曰此吾家麒麟也騾音查裏音鳥皮日休有大  
志嘗作詩云五嶽為詞鋒四溟作胸臆神馬日行千里南宋史云

王儉少有宰物之志。嘗賦詩云：稷契光虞夏，伊呂翼商周。及為相，人目之為風流宰相。唐員半千初名兆舉童子科，對詔高第。長史王義方賞其豪邁，且曰：五百歲一賢者生子，其當之。因改以今名曰半千云。唐張萬福為濠州刺史，改名正德，宗名謂曰先帝。改爾名為正褒之也。朕謂江淮草木亦知爾名，復賜如舊。唐太宗稱虞世南有五絕：德行忠直，博學文詞，書翰俱非人所能及。牙馮京字士式，文章豪邁。凡省試、會試、廷試俱第一，且措之事業大有作為人。

以為不負科名

金鑑詳君道篇

李勣有才能，唐太宗謂

曰：卿朕之長城也。

勣音迹，功勣也。

儒梁何子朗，擅才名人，語

曰：東海子朗，人中爽爽。漢史云：劉盆子鐵中錚錚。

人中佼佼。宋司馬光為相，天下愉悅。田夫野老皆

號司馬相公，而婦人孺子亦知其為君實也。東坡云：

兒童誦君實，走卒知司馬。宋書云：富弼早有公輔

之望，天下皆稱之曰富公。名聞邊塞，遼使每至必問

其出處安否。後漢郭泰字林宗，容儀甚美，士林皆

景從之。唐此書馬周有才名，太宗聞而名之，未至上

使四輩督促之促音唐王翰文士也杜華母云吾

欲卜居使汝與王翰為鄰竟徙居從之曹操欲伐

吳見孫權率兵隊仗整肅嘆曰生子當如孫仲謀若

劉景升兒子豚犬耳

人中英對宋同無天不命劉田夫和世嘗

日東海子關人中爽爽南漢史云國益午繼中繼

日灑知之身地也世音宋景平腹獻水各人

以為不負世音李慎言中贈書太宗

英賢

孔明臥龍子建繡虎名重於儒林陸雲隱鵠鄧艾伏鸞

譽高於藝苑瀛洲登學士文章組霧經雲西邸寓奇人

丰采離塵絕俗杜尚書稱武庫萬有充盈樗里子號智

囊百家該括李揆有聲於北却羨南朝第一人謝安見

重於時允為西晉無雙相嵇紹處儔伍昂昂然野鶴出

雞羣王衍邁庸流炯炯乎明珠在瓦石薛家三鳳皆羽

儀王國之才荀氏八龍盡潤澤生靈之物三蘇詞藻劑

賈壘而短劉牆二宋文章薰班香而摘宋艷謝公枕蓆

平江左王粲冠冕乎漢南。東方袞衣留周公不住北門。  
 鎖鑰舍寇老其誰。麟閣一十一人譽。望與斗山並峻雲。  
 臺二十八將勳庸同。日月爭光麗。士元寧百里才。關雲  
 長實萬人敵。八元八凱養成。上古之醇。一范一韓。驚破  
 西人之膽。王戎簡要。裴楷清通。非龍非彪。非熊非羆。文  
 王獵英師於渭水。作霖作雨。作舟作楫。武丁起賢相於  
 傅巖。南金東箭者功奇。璞玉渾金者材美。英標若狄仁  
 傑。豈應滄海遺珠。壯志如宋延清。畢竟龍門奪錦。  
 世說補曹植字子建。七步成章。人目為繡虎。晉陸

雲善文章。世號隱鵠。魏邨艾有才智。世號伏鸞。  
 唐太宗朝學士十八人。杜如晦。房玄齡。虞世南。褚亮。  
 姚思廉。李玄通。蔡允恭。薛元敬。顏相時。蘇訪。于志寧。  
 蘇世長。薛收。李存素。陸德明。孔穎達。蓋文達。許敬宗。  
 時謂十八學士登瀛洲。南史竟陵王開西邸。招文  
 學士。沈約。王融。謝朓。任昉等游焉。當時號為得奇人。  
 晉杜預為尚書。富於學術。時號為杜武庫。戰國  
 秦樗里子腹有才識。號智囊。漢鼂錯學申商刑名。  
 以文學為太常。亦號智囊。唐李揆美丰儀。拜平章。



事帝曰。卿門第人物文學皆為當世第一。足稱三絕。後使吐蕃。戎長謂曰。聞唐有第一人。李揆。公是否。晉謝安有重名。時人相語曰。安石不起。如蒼生何。後王儉謂曰。江左風流宰相。惟有謝安而已。晉書。嵇紹傳云。紹於稠人廣眾中。昂昂然若野鶴之在雞羣也。晉王衍字夷甫。美丰儀。王敦稱其處眾中如珠玉在瓦石間。顧愷亦稱衍巖巖清峙。壁立萬仞。唐薛元敬薛收及族兄德音。居河東。皆有才名。時稱河東三鳳。後漢荀淑。潁川人。好學。有高行。桓帝朝出。

補朗陵侯。蒞事明理。稱為神君。生子八人。儉。緄。靖。燾。江爽。肅。勇。惟。爽。字慈明。最為巨擘。語曰。荀氏八龍。慈明無雙。穎陰令更命其里曰高陽里。宋蘇洵二十七始發憤為學。與二子軾。轍。至京。歐陽修得洵所著權書衡論。以為賈誼。劉向不能過也。一時父子皆知名。號為三蘇。唐人詩云。氣廟屈賈壘。目短曹劉牆。宋郊。宋祁兄弟同試。奏名以祁第一。章憲太后曰。弟可先兄乎。並賜狀元。時號大小宋。唐文粹云。薰班香。摘宋艷。班固宋玉晉書。謝安傳。安為相。不動聲色。

措生民於枕蓆之安。後漢王粲避亂依荊州劉表。才高作賦為漢南首冠。周公居東東人留之。詩曰：是以有袞衣兮。毋以我公歸兮。毋使我心悲兮。宋書寇準守大名府北使至謂曰：汨公有重望何不在中書。準曰：聖上以北門鎖鑰非準不可。漢宣帝思股肱之美圖功名於麒麟閣惟霍光不名其次張安世韓增趙充國魏相丙吉杜延年劉德梁丘賀蕭望之蘇武凡十一人。漢明帝思功臣乃圖畫二十八將於南京雲臺以鄧禹為首次馬成吳漢王良賈復

陳俊耿弇杜茂寇恂傅俊岑彭堅鐔馮異王霸朱祐任光祭遵李忠景丹萬修蓋延鄧彤姚期劉植耿純臧宮馬武劉隆又益以王常李通竇融卓茂合三十二人馬援以椒房之親獨不與焉。蜀志龐統任耒陽令在縣不治魯肅曰：士元非百里才若使為治中別駕始展其驥足耳。通鑑高辛氏有才子八人曰：伯奮仲堪叔獻季仲伯虎仲熊叔豹季狸天下謂之八元舜舉之使布五教高陽氏有才子八人曰：蒼舒殯欽檮戣大臨龐降庭堅仲容叔達天下謂之八凱。

舜舉之使舉后土。宋范仲淹韓琦守西夏。人謠曰。軍中有一范。西人聞知驚破胆。軍中有一韓。西人聞知心胆寒。世說云。王戎裴楷方總角時。共詣鍾士季。既去。有客問二子人品。鍾曰。王戎簡要裴楷清通。後當為吏部尚書。果然。渭水傳巖。晉書。顧眾。吳郡人。虞潭會稽人。並起兵討蘇峻。贊曰。顧實南金。虞惟東箭。晉山濤字巨源。武帝朝為吏部尚書。甄拔人才。各為題目。奏之時。稱山公啓事。王戎日之為璞。玉渾金人皆欽其寶。莫知名其器。唐狄仁傑為吏

誣訴。闔立本名訊異之。曰。可謂滄海遺珠。唐武后遊龍門。命羣臣賦詩。先成。賜錦袍。宋之問詩成。文理兼備。乃就奪東方虬錦袍。衣之。武后曰。姑試卿等耳。仍賜東方虬錦袍。宋之問字延清

外顯東文也。餘麻辛英散  
兼散代線奪東文也。餘麻宋文問  
幾謂門命羣引規畫求也。顯離麻宋文問。精丸文野。  
精指圖立本台。精異文曰。何謂會。或數。精。曹。流。司。

英賢三

虎生文炳。鳳出采揚。鍾元常。一代偉人。裴神駒。三河彥。  
士徐勉。蜚英騰茂。冀之北羣馬。遂空狄公。絕類離羣。斗。  
以南一人而已。直言不諱。汲長孺。固社稷。臣豪氣未除。  
陳元龍。真湖海士。江東百年之業。非安石如蒼生。何春。  
秋九合之勳。微管仲其左。在矣。司馬公氣吞八九雲。夢。  
范老子胸藏十萬甲。兵仲山甫佐周朝。色絲補袞。蕭相。  
國興漢室。刀筆平衡。一闕八荒。伊尹自任。以天下之重。  
寸心千古。韓愈不讀。非聖人之書。張子野號三影。郎中。

聲○施○末○世○郭○弘○霸○為○四○其○御○史○名○重○當○年○陳○遵○是○驚○座○  
之○賓○李○廣○真○嚇○蠻○之○將○崔○伯○彥○崔○仲○文○兩○鳳○齊○飛○劉○公○  
山○劉○正○禮○二○龍○並○躍○李○太○白○驅○馳○屈○宋○鞭○撻○楊○馬○郁○郁○  
乎○茂○實○葳○蕤○司○馬○遷○貫○穿○經○傳○馳○騁○古○今○彬○彬○然○榮○聲○  
洋○溢○皇○甫○湜○儒○林○雋○望○瞻○仰○攸○歸○張○九○齡○文○陣○雄○師○縱○  
橫○莫○敵○具○棟○梁○之○用○森○森○乎○和○嶠○千○丈○松○備○瑚○璣○之○資○  
炯○炯○乎○郗○生○一○片○玉○鄒○衍○談○天○肆○辯○壯○語○驚○人○袁○宏○倚○  
馬○作○文○雄○才○傾○峽○諸○葛○固○隆○中○之○樂○毅○王○導○乃○江○左○之○  
夷○吾○謝○玄○捷○淝○水○之○師○頻○搖○地○軸○劉○蛻○發○荆○州○之○解○足○

破○天○荒○越○府○三○才○不○是○尋○常○人○物○平○原○二○陸○孰○非○卓○犖○  
英○雄○衛○叔○寶○丰○標○迥○異○真○玉○人○哉○劉○器○之○志○節○勿○磨○乃○  
鐵○漢○耳○  
翰○苑○新○書○云○虎○生○而○文○炳○鳳○出○而○采○揚○  
鍾○繇○字○元○常○遷○太○尉○時○華○歆○王○朗○並○先○朝○名○臣○文○帝○  
謂○左○右○曰○此○三○公○者○皆○一○代○之○偉○人○也○  
字○神○駒○河○東○人○太○祖○討○蓋○無○駿○陳○敘○事○宜○太○祖○悅○因○  
稱○為○三○河○領○袖○南○史○徐○勉○宗○人○孝○嗣○見○其○美○嘆○曰○  
此○人○中○騏○驎○也○必○能○致○千○里○唐○書○武○后○攘○奪○神○器○  
北○史○裴○駿○  
天○姿○美○  
魏○

狄仁傑蒙恥奮忠引張柬之等反周為唐蘭仁基美其誼曰狄公之賢北斗以南一人而已漢書汲黯字長孺性鯁直君有過必直言折之武帝謂左右曰古有社稷臣如黯近之矣陳元龍詳賓主篇謝安詳前篇司馬相如子虛賦吞若雲夢者八九胸中曾不拾芥宋范仲淹守西夏夏人戒曰此小范老子胸中有數萬甲兵不比大范老子可欺也范雍亦嘗守西夏詩云衰職有闕仲山甫補之謂盡相職漢書蕭何佐漢祖取天下乃起白刀筆吏詩話張子野為郎中詩有雲

破月來花弄影浮萍破處見天影隔牆送過鞦韆影人謂之三影郎中唐郭公霸自陳討李敬業臣誓抽其筋食其肉飲其血絕其髓武后悅授監察御史人號四其御史漢陳遵有重名時有與遵同姓名者有客坐定報傳遵至坐中賓客莫不震動號陳驚坐漢李廣鎮北平邊人畏之號飛將軍北齊史崔陵字伯彥與弟仲文同日被顧命拜相時人榮之稱兩鳳齊飛吳志劉繇字正禮兄岱字公山有人薦之於刺史曰明公舉公山於前用正禮於後所謂

御二龍於長途。騁騏驎於千里。李翰林草堂集序。  
 云馳驅屈宋。鞭撻楊馬。千載獨步。惟公一人。歲。製。  
 草木暢茂之謂。隨。製音。漢司馬遷贊云。其涉獵者廣。  
 博。貫穿經傳。馳騁古今。唐書皇甫湜負才名。與白。  
 居易。劉禹錫等相頡頏。儒林推為雋望。玉堂遺事。  
 張九齡為文俊逸。雄偉人莫敢當其鋒。學者僉謂之。  
 文陣雄師。晉書和嶠有盛名。庾亮見而嘆曰。嶠森。  
 森如千丈松。雖礪柯有節。目施之。大厦有棟。梁之用。  
 晉郊詵傳。詵桂林之一枝。崑山之片玉。史荀卿。

傳云。鄉衍之術。迂大而闊。辨齊人曰。談天衍。晉史。  
 桓溫北征鮮卑。喚袁宏倚馬前作露布。文手不輟筆。  
 世以為倚馬作文。李白事非也。諸葛亮躬耕南陽。  
 自比於戰國時之樂毅。晉渡江時。江左草創綱維。  
 未舉溫嶠。殊以為憂。及見王導共談。歡笑曰。江左自。  
 有管夷吾。吾復何憂。謝。立事。荆州舉子久不發。  
 解人以為天荒。劉蛻乃以舉人廷試第一。因號破天。  
 荒。又音稅。晉書東海王越用三才。劉興長才。潘滔。  
 大才。裴邈。清才。號越府三才。平原二陸。謂陸機陸。





盡堪舌上揄揚羅舍固荆楚之材賈誼乃洛陽之俊四  
足居士以恬以澹家風三紅秀才又巧又新詩句入中  
倏倏鐵中錚錚遠邁庸流千人諾諾一人謬謬迥趨時  
俗投戈作露布非修期而何飲酒讀離騷必元朗乃爾  
李廸公輔器更自恢恢彥國王佐才豈應落落邊羅漢  
孰非佳號洪佛子偏是異稱唐嗣甫為齊王金城一朝  
保障魏鄭公作太宗寶鑑千古元龜  
漢三傑謂張良韓信蕭何後漢書云章帝命曹褒  
為定禮謂之曰昔堯帝作大章一夔足矣宋書太

宗朝宋白賈黃中李至呂蒙正蘇易簡同時拜翰林  
承旨人榮之語曰五鳳齊飛入翰林漢鮑永鮑恢  
為御史抗直號二鮑二王謂王羲之獻之三蘇謂  
蘇老泉東坡穎濱三呂謂呂蒙正公著夷簡晉史  
相溫過王敦墓嘆曰可人意蓋言可趙宋吳進勇於  
戰上曰好漢進於是刺好漢吳進四字作補心賊見  
之皆驚走漢獻帝時孔融陳琳王粲徐幹阮瑀應  
場劉禎號七才子於學無所遺於辭無所假宋謝  
良佐游酢楊時呂大臨俱從程伊川先生遊時號程

門四先生。世說云：庾亮、庾翼並有才能，時稱亮為  
 豐年玉翼，為荒年穀。翼有匡世之才。世說：孔沉、  
 魏顗並為人俊，孫興公目之曰：沉為孔家金頸，為魏  
 家璧。顗音唐上官儀凌晨入朝，緩轡詠詩云：脉脉  
 廣川流，驅馬歷長洲。鵲飛山月小，蟬噪海天秋。丰神  
 俊逸，望之者以為神仙之態。史記：韓信可當一而  
 謂四方可當一面也。梁柳惲材藝兼美，武帝嘗謂周檢曰：柳  
 惲可謂具美分其才，足了十人。惲音馬良字季常，  
 眉有白毫，兄弟五人並有才名，皆以常為字，諺曰：馬

氏五常，白眉最良。唐史云：李白天才絕，白居易人  
 才絕，李賀鬼才絕，號三才之絕。唐許敬宗見人多  
 忘之，或謂其不聰，乃曰：卿自難記。若遇曹劉沈謝，暗  
 中摸索，着亦可識。曹植劉公幹沈約謝靈運晉書：羅含字君章，  
 桓溫嘗問僚屬曰：羅生何如？人答之者曰：可謂荆楚  
 之美材。唐文粹云：終童山東之英妙，賈生洛陽之  
 才子。趙宋王質為待制，致仕號四足居士，謂耕田  
 以足食，讀書以足學，儉用以足財，節慾以足壽。詩  
 話：唐應子和嘗吟詩云：蠟炬夜燒紅，風過落花紅。兩

听夕陽紅人愛其句目之為三紅秀才倭倭鉗鉗

史記秦趙良見商鞅曰千羊之皮不如一狐之腋詳前篇

千人之諾諾不如一士之諤諤南史傅永拜安遠

將軍明帝歎曰上馬能擊賊下馬作露布惟傳修期

能耳戰勝書帛於漆竿上韻府羣玉盧元朗字幼

章風采閑逸中山王熙歎曰盧郎有如此風神惟須

誦離騷飲美酒自為佳器趙宋李迪少從柳開為

古文開曰李子為公輔器趙宋富弼字彥國幼篤

學有大度范仲淹見而識之曰此王佐才也趙宋

邊鎬守長沙性彖寬吏民甚愛之號為邊羅漢趙

宋洪皓尹海寧秀州水移粟活九萬五千人時號洪

於佛子氣金城詳唐書魏徵封鄭公耿直不阿君有

過必諫之及死太宗慟曰以銅為鑑可正衣冠以古

為鑑可知興替以人為鑑可明得失朕嘗寶此三鑑

愛內防已過今魏徵逝一鑑亡矣趙流俗杜進稱百紙

衆人皆渴而飲獨清李勉投犀象於江中舉世盡汚而

易衣趙流俗杜進稱百紙

衆人皆渴而飲獨清李勉投犀象於江中舉世盡汚而

史記秦趙良見商鞅曰千羊之皮不如一狐之腋  
 內則曰獸之類也一獸之類也  
 為繼下味與替以人為繼則馬夫知嘗寶此三繼  
 必賴之及我太宗繼日以繼繼則五不遠以古  
 此里精書書繼則杜微公想直不問其有  
 宋共出民祇寧衣州水針粟部止萬正千人劫賊共  
 盡論中其必到張廣史月其愛之親為盡繼業

廉潔

厚德鎮浮孤標拔俗出層冰於巨壑清絕塵埃和玉屑  
 於脩莖氣融沆瀣黃金雖好馮驩以市義為先白璧縱  
 良子罕以不貪是寶義重裴寬居家無苞苴之物安貧  
 王質到處有冰蘂之聲却除僚友贈羊君懸梁上之魚  
 愛惜子民財焉尹齋廡中之馬遠趨流俗杜暹稱百紙  
 參軍迥出等倫劉寵號一錢太守鍾離委珠璣於殿上  
 眾人皆濁而彼獨清李勉投犀象於江中舉世盡汚而  
 渠自潔楊乘驅夫三惑操履堅貞列僊居然一矚形容

枯寂四知不泯楊伯起辭暮夜之金一潔無瑕吳隱之  
 拔寒冬之絮趙抃攜琴入蜀輕煙一轡馬偏驕鄧攸載  
 米來吳明月片帆舟自穩包公不持佳硯清湛水壺甄  
 老獨取瘦羊評香月且制行有如唐介必不同僚屬分  
 珠甘貧誰似修齡豈肯向陶公索米胡質給絹為兒曹  
 服俸有餘資范宜裂帛作婦人幃禮難再却

唐竇侍御姿容豐美杜甫贈詩云驥之子鳳之雛炯  
 如清水出萬壑置之迎風寒露之玉壺迎風館寒露館皆漢武帝所作中  
 有玉壺玉屑修莖漢武柏梁臺事史記孟嘗君

使馮驩收債於薛驩曰債畢收以何市而反孟嘗君  
 曰視吾家所寡有者驩之辭而返孟嘗君怪而問之  
 驩曰臣竊計君宮中積珍寶狗馬實外廐美人充下  
 陳君家所寡有者惟義耳臣矯君命以債賜諸民因  
 燒其券民稱萬歲竊以為君市義左傳宋人或得  
 玉獻諸子罕子罕曰我以不貪為寶爾以玉為寶若  
 以與我皆喪寶也不若人有其寶卒弗受喪廉謂一  
 寶唐韋誥登樓見人於園有所瘞藏者使吏召其  
 人至乃裴寬也問其故答曰寬義不以苞苴汚家適

有餽鹿者致而去故瘞之。詵嗟嘆之不已。宋王質以貧為寶。嘗得顏魯公乞米帖。刻石以模之。徧遺親友。終身不食。所至有水。蘗聲即黃栢。漢羊續守廬江。有獻生魚者。績懸於庭。後又獻之。乃出所懸者。以示之。蓋杜其意也。唐馮元淑歷浚儀始平二邑令。單騎赴職。未嘗以妻子之官。所乘馬不與芻豆。人謂之齋馬。唐杜暹為婺州參軍。秩滿歸。吏贖以紙萬幅。暹受其百人。謂之百紙參軍。後漢劉寵為會稽守。郡中大化。徵為將作大匠。山陰五六老叟。人齋百

錢送寵。寵選一大錢受之。時號一錢太守。漢鍾離意為尚書時。交趾太守張恢坐賊徵還。伏法。詔贓物。頒賜羣臣。意得珠璣。委之殿上。帝問其故。對曰。孔子忍渴於盜泉之水。曾參回車於勝母之間。惡其名也。此賊穢之寶。誠不敢拜。上曰。清哉尚書也。乃更以錢十萬賜之。唐李勉拜嶺南節度使。極廉潔。歲久。名還。恐家人所蓄。有犀角象牙珍寶。悉搜出之。投之江中。後漢楊秉為太尉。以淳白稱。常從容謂客曰。我有三不惑。謂酒色財也。故贊云。秉去三惑。相如傳。

云相如以為列仙之傳居山澤間形容甚臞漢楊震為東萊太守道過昌邑故人王密懷金十斤以遺震曰暮夜無知者震曰天知地知我知子知何謂無知密愧而去晉書吳隱之性廉潔冬止一襖或洗惟披絮賓至必俟服乾然後出見宋趙清獻公抃初任成都攜一琴一鶴一馬而行其再任也屏去琴鶴止有一蒼頭執事晉鄧攸字伯道為吳郡守載米而往唯飲吳郡之水而已後任滿而去百姓攀留

有鄧侯挽不留謝令推不去之語宋書包拯守端州端溪有龍尾石硯公任滿日不持一硯而歸羊瘦博士詳言行錄潭州一巨賈私藏寶珠為關吏所搜太守而下輕其估悉自售焉時唐介以言事謫潭伴分珠獄發仁宗曰唐介必無是案覽案果然不世說王修齡嘗在東山甚貧乏陶道則為烏程令送米一船答曰王修齡饑江就謝仁祖索食不須陶公送米晉胡威父質守荊州威往省之及歸質賜威絹一匹威跪曰大人清素於何有此質曰吾俸祿之遺故以為汝曹之服耳世說晉范宣素清潔韓康伯





琴返向文簡。駕牛易。勸淳德。可風。項仲山。飲馬投錢。素行足錄。介然絕俗。人嘉獨立。使君潔矣。離塵士服。真清長史。無貪饗之極。慾會聞魯相。辭魚有廉靜之遺風。又見時公。留犢觀廣陵。濤出去念慮。無求載鬱林石。歸來聲名愈重。契券豈詩文。金珠非脯醢。朱夫子正是賢儒。有官居鼎。無地起樓臺。寇萊公允稱名相。膏脂莫潤二句。李義山文。漢光武名諸郡計吏。問其風土。及前後守令。能否樊顯進曰。漁陽太守張堪。昔在蜀郡。仁以惠下。威能計奸。公孫述破時。珍寶山

積捲握之物。足富十世。而堪去職之日。乘折轅車。在被囊而已。後漢羊續為南陽太守。以儉率下。臥一布被。被敗則以紙糊之。晉庾冰傳。冰天性清慎。子襲嘗貸官絹十餘匹。冰知怒。捶襲。即市絹還官。唐柳玘為嶺南節度使。解中橋熟兒女。摘食之。遂輸錢納直於庫。咸嘉之。隱之詳地理。鍾離詳前篇。唐陸贄為壽州刺史。往謁張鎰。鎰餉錢百萬。曰請為母夫人一日享。贄不納。受茶一串。曰敢不承公之賜。隋趙範為齊州別駕。入朝。父老送之。曰公清如水。請酌一杯水。以

奉餞公為飲一杯。唐李虞為司馬，有清德。其妹劉晏妻也。晏方秉政，嘗造廡寢室，見門簾甚敝，令工人編鹿竹為一簾，加以緣飾，將持贈虞。三攜至門，不敢發言而去。亦虞音晉書陸納拜尚書，臨發，止有壞被，僕而已。以外行李蕭然。晉書石介為舉子時，讀書於南都，時侍郎王濟聞其窮困，因餽以盤飧，却而不受，曰：今日固好，明日如何？梁沈顛，齊末兵荒，與家人併日而食，有餽梁肉者，閉門不受。唯採蓴菜荇根以供食。顛音趙宋余靖嘗為廣西安撫，及北歸不

戴南方一物，士嘉其清潔。趙清獻言行錄向文

簡公敏中判大理時，僕以青絲為鞞，以御馬。公曰：昔

晉武帝為君，猶不為此，我何靡焉？遂命以白麻代之。

項仲山安陵人，飲馬渭水，每投三錢。郝廉亦然。

獨立使君唐書陸景倩為扶溝長史，按察使覆州

詳文職倚縣殿最吏言狀曰：某強清，某詐清，惟景倩乃真清人。

號真清長史。史記公儀休相魯而嗜魚，一國爭買

魚獻之。公儀子不受，其弟曰：夫子嗜魚而不受，何也？

公儀子曰：夫惟嗜魚故不受也。今為相能自給，若受

魚而免於相誰復給我魚者時公續明朝正統  
 開、聶大年性廉靜有門生任揚州尹公往詣之巨賈  
 有罪以千金賂公求免公曰此來為觀廣陵濤并看  
 無雙亭瓊花諸公勿猜作跨鶴揚州客也吳陸績  
 遠祖為鬱林太守及歸舟輕取石壓之世號為鬱林  
 石朱文公疏今之在位以金珠為脯醢契券為詩  
 文真斯世確症也寇萊公詳宮室

忠直

直道無回精忠不屈森嚴白簡之陳風銷羣枉愷切青  
 蒲之奏日照孤忠仲舒為世醇儒叔向真古道直崔隱  
 甫不屈牛仙客侃侃剛風汲長孺獨揖衛將軍行行正  
 氣腕可斷麻不可草韓致元格君心之非山可移判不  
 可搖李元紘持天下之正昂昂楚楚劉行本寧作弄臣  
 懇懇勤勤陸忠宣允為吉士蜀正方之莫犯腹中應有  
 甲鱗唐克治之難干李下固無蹊徑乘馬諫天子張湛  
 心忠請劍斬佞臣朱雲氣壯豐稷讀仇士良傳朗宣豈

作○囁○嚅○聲○呂○誨○彈○王○安○石○文○直○論○寧○為○軟○媚○態○稟○英○聲○  
 於○天○下○桓○御○史○馳○當○道○之○驄○植○風○采○於○朝○端○李○諫○官○開○  
 朝○陽○之○鳳○直○聲○振○動○孔○道○輔○扣○響○門○鑲○義○氣○奮○揚○申○屠○  
 剛○觸○殘○車○駕○虎○在○山○而○莫○采○藜○藿○豺○當○道○而○寧○問○狐○狸○  
 李○節○度○膽○落○於○溫○造○允○矣○柱○後○惠○文○裴○延○齡○相○沮○於○陽○  
 城○誠○哉○人○中○屈○軼○風○聲○動○地○謾○道○先○生○鐵○作○肝○威○武○震○  
 天○却○說○此○公○身○是○膽○誓○言○弘○霸○必○欲○抽○反○臣○敬○業○之○筋○  
 伏○罪○郭○彰○安○敢○截○御○史○劉○暎○之○角○  
 唐○任○昉○為○御○史○中○丞○奏○彈○曰○臣○謹○奉○白○簡○以○聞○  
 狀也

漢書史丹遷侍中元帝欲廢太子丹直入臥內伏○  
 青蒲以諫皇儲遂定○以青規地曰蒲左傳昭十四○  
 年孔子曰叔向古之遺直也治國制刑不隱於親○  
 漢董仲舒以賢良對策為漢醇儒○唐嚴挺之等贊○  
 挺之拒宰相不肯見李林甫崔隱甫違詔不屈牛仙○  
 客信剛者乎○漢衛青為大將軍公卿以下皆折節○  
 拜之○惟汲黯獨不拜曰以大將軍有揖客顧不重耶○  
 唐韓偓字致元宰相韋貽範以母喪罷去制未滿○  
 急求起復昭宗詔還位命韓偓草制偓曰腕可斷麻○

不可草。唐武后時李元紘遷雍州司戶時太平公  
 主與僧爭確磴百官皆順旨元紘遂判於寺僧長史  
 竇懷貞大懼迫令改之元紘大署判後曰南山可移  
 此判終無搖動。隋劉行本為左庶子太子得良馬  
 欲令行本乘行本正色曰至尊置臣於庶子欲令輔  
 導非為作弄臣也。唐陸贄行狀公勤懇懇於章  
 奏間必欲致主王道固吉士也。蜀李平字正方為  
 都護陳震曰正方腹中有鱗甲但不可犯耳。唐李  
 又字克治為人耿魚為吏部侍郎人不敢干以私時

人語曰李下無蹊徑。東漢紀光武臨朝或有惰容  
 張湛輒諫其失湛常乘白馬帝每見湛輒言曰白馬  
 生且復諫矣。漢紀朱雲上書請上方斬馬劍斷佞  
 臣一人頭上問誰曰張禹上怒將雲下斬之雲攀折  
 殿檻。宋豐稷為侍御史宦官寢盛稷懷唐書上殿  
 為上讀仇士良傳數行上曰已知稷偽為不聞朗讀  
 畢。言行錄呂誨字獻可任侍御入對司馬溫公曰  
 今日欲言何事誨出袖中彈文曰論新叅也溫公愕  
 然。王安石初拜。詳文職篇。唐高宗時自韓瑗褚  
 相故曰新叅。忠直。

遂良死。內外以言為諱。高宗下詔造奉天宮。李善感始極言諫。之人謂鳳鳴朝陽。言行錄。孔道輔為諫議。上廢郭后。道輔與范仲淹詣闕門請對。宦者闔扉拒之。道輔手拊銅門環呼曰。皇后被廢。奈何不與我等進諫耶。東漢申屠剛拜侍御史。上數欲出幸。剛諫止之。不聽。乃以頭軼乘輿。使馬不前。豺狼當道。張綱事。唐溫造為御史。節度使李祐入朝。違制。溫彈劾之。李祐趨出。謂人曰。今日膽落於溫御史矣。唐書。德宗欲相裴延齡。陽城為諫官。極沮之。德宗不聽。城出

語人曰。白麻出。我必壞之。慟哭於廷。延齡遂不得相。東坡詩云。烏府先生鐵作肝。風霜卷地不知寒。蜀志。先主謂趙雲。此公一身都足膽。郭弘霸事。見賢才篇。晉書。劉暉為侍御史。武庫火。尚書郭彰率人自衛。而不救。火噉正色詰之。彰怒曰。我能截君角也。暉勃然曰。天子法冠。而欲截伯乎。君何敢恃寵作威福耶。求紙筆作彈文奏之。彰伏罪不敢言。人勸之乃免。

曰天于去振而為藩前平澤何如計窮非復辭耶米  
 不嫌火燭五色結之導慈曰非前結甚自出烟時然  
 晉書隱翽為計喻少短軍火尚清導導率人自商而  
 置志去主請鼓震地公一良路良難  
 東地請云為執去主燈非風風霖卷則不味寒  
 請人曰白柳出非必與之謝哭飲或或備道不計計

忠直

二

直聲揭天正氣如日大丈夫堂堂守正獨觀明日張膽  
 之風真御史諤諤抗言方見逆耳犯顏之操任延素懷  
 忠耿寧事上官周紉獨秉剛貞頓頓傾貴戚歸登寄名雷  
 靈下肯披龍鱗冠準投身烟瘴間甘蹈虎尾強項令鳳  
 千仞而孤騫魚頭公豸一角而觸枉王義方玉階碎首  
 憲職班空江文蔚金闕披肝彈文紙貴劾奸劉摯陰見  
 睨而韋銷補闕魏謩木從繩而自正唐子方敢彈彥博  
 寒松應不妖花羊叔子不附王戎古瑟却無俗韻杜莘

老○兩○封○如○雷○震○奸○宄○心○寒○包○孝○肅○一○笑○比○河○清○後○腴○膽○  
 落○柳○公○權○居○雄○職○可○知○棱○厲○其○肝○腸○任○伯○雨○號○驚○章○僉○  
 謂○神○明○其○耳○目○柔○無○茹○剛○無○吐○熊○遠○輩○之○高○標○忠○不○隱○  
 直○不○形○柳○惲○君○之○雅○操○正○士○敢○言○僉○壬○引○穴○端○人○在○位○  
 貴○戚○泥○樓○舍○豺○狼○安○問○狐○狸○為○鷹○鷂○不○若○鸞○鳳○王○志○愜○  
 節○高○天○下○梗○楠○豈○樸○檉○之○材○韋○仁○約○特○立○殿○中○鵬○鸞○非○  
 衆○禽○之○偶○魏○徵○盡○底○蘊○二○百○餘○奏○字○字○冰○霜○范○鎮○論○儲○  
 嗣○一○十○九○章○言○言○金○石○是○孰○謂○柳○條○通○體○弱○抑○豈○知○石○  
 子○一○身○剛○法○星○懸○火○旻○楊○諫○垣○許○多○炬○赫○清○冰○出○萬○壑○

竇侍御無限威嚴

唐○韋○思○謙○為○御○史○謂○所○知○曰○大○丈○夫○當○之○地○須○  
 明○日○張○膽○以○報○國○恩○寧○能○碌○碌○為○保○妻○子○之○臣○言○  
 行○錄○王○素○旣○升○臺○憲○風○力○愈○勁○嘗○與○同○列○奏○事○上○有○  
 不○懌○衆○皆○引○去○素○方○論○列○是○非○俟○得○旨○乃○退○帝○嘆○曰○  
 真○御○史○也○人○稱○為○獨○擊○鵠○後○漢○書○光○武○以○任○延○為○  
 武○威○太○守○戒○之○曰○善○事○上○官○無○失○名○譽○延○對○曰○臣○聞○  
 忠○臣○不○私○私○臣○不○忠○臣○不○敢○奉○詔○帝○曰○卿○言○是○也○  
 周○綈○歸○登○趙○宋○寇○準○彈○劾○丁○謂○為○丁○謂○所○沮○竄○於○  
 俱○詳○文○職



雷州司戶踰廿年而卒

強項令詳身體魚頭公詳文職

唐書王

義方為侍御君有過必諫之嘗謂人曰碎首玉階庶

明臣節人推為憲職之巨望徐騎省集江文蔚嘗

為御史中丞披肝瀝膽彈劾權奸朝野喧騰傳為彈

文一時紙價貴言行錄劉摯為侍御史彈劾蔡確

其罪有十又論章惇凶悍無大臣體皆罷職切胡典

聲魏謩魏徵之孫官少保慷慨立朝議論不屈有

烈祖風謩同趙宋唐介字子方為御史張堯佐再

除宣徽使介諍之仁宗諭曰除擬初出中書介遂極

言宰相文彥博知益州日以燈籠錦綉貴妃致位宰

相仁宗怒貶介英州別駕晉書羊祜字叔子鎮荆

州不附中朝權貴王戎王衍並憾之人語曰二王當

國羊公無德中興繫年錄杜莘老為御史彈劾王

繼先張去為輩封章雨上聲聞如雷之震一時都人

稱骨鯁者必曰杜殿院云趙宋包孝肅公極為人

正直不敢干以私人以其一笑比黃河之清唐書

柳公權為御史親友怪其校厲公曰御史為雄職吾

不得不爾東都事畧任伯雨性剛鯁為諫官僅半

載所上一百八疏皆係天下治體。號。章云。愚音撞。晉書熊遠遷御史中丞。上每嘆其公忠。謂遠曰。卿在朝正色。不茹柔。不吐剛。真可謂王臣。唐書柳惲為右補闕。不隱忠以固位。不形直以好名。可謂人臣純節。西漢薛宣傳。宣字穎君。鄉人為御史中丞。執法不枉。嫉惡如仇。好豪異之。皆引穴以斂其迹云。唐李景讓為御史大夫。內臣貴戚有看街樓閣。皆泥之。人問故。曰。畏李御史彈劾耳。後漢仇覽為主簿。邑有陳元不孝。覽不罰而化之。考城令王煥謂曰。土

簿得無少鷹鷂之志耶。覽曰。以為鷹鷂。不若鸞鳳。渙謝曰。枳棘非鸞鳳所棲。百里豈大賢之路。唐王志愔傳。公為左臺侍御史。執法剛正。時人呼為皂鵬。帝亦謂志愔節高天下。豫樟榎楠。非樸檉之比。唐書韋仁約為御史。與公卿相見。未嘗行拜禮。或勉之。仁約語曰。鵬鷂鷹鷂。豈眾禽之偶。奈何褻以狎之。唐魏徵字元成。太宗拜諫議大夫。引至臥內。訪天下事。凡上二百餘奏。無不剴切。當帝心者。言行錄。范鎮字景仁。仁宗未有繼嗣。嘉祐初得疾。中外危恐。公獨

奮曰天下事尚有大於此者乎其章疏凡十九上鬢  
 髮為白。職官分紀柳調為御史楊素戲之曰柳條  
 通體弱獨搖不禁風調正色曰調信無可取公不當  
 以為侍御史信有可取公不當發此言素奇之。唐  
 史石雄敢毅善戰臨財不苟取人有過必折之時語  
 曰石子一身是剛。劉禹錫送楊侍御詩鷺鳥得秋  
 氣法星懸火曼。

寶侍御詳  
廉潔篇

恬澹

退然自處淡矣無求左絃右壺誰識箇中雅趣南鄰北  
 里共成物外佳游溪山不換玉侯風月迭為賓主咳唾  
 猶來軒冕箕山試揚許山瓢杖藜歸去田園彭澤頓辭  
 陶令印歐陽子茅簷涼簟豈想玉堂司馬公流水青山  
 始從獨樂李鄴侯丑不可一毫世味不關心司空圖三  
 宜休兩字功名非著意華山風景好朱齊丘誠知足之  
 人雲觀夢魂甜扶搖子固長眠之客裴晉公堂開綠野  
 宦途上息足為安白樂天社結香山苦海中回頭是岸

恬澹

言

蘭雪堂

稽叔夜與朋儕行樂縱飲竹林呂僧珍勉子姪無求亟  
 歸蔥肆羊裘一着嚴陵灘上客星高鳳閣不登元結洞  
 中兵燹遠好鳥偏留客可嘉秦系之高吟碧山不負吾  
 更羨張褒之長嘯  
 柳文不矍矍於進取左絃右壺樂以自放  
 陳后山  
 答秦少游書云師道潛處草莽暇日與北里南鄰量  
 晴較雨傅公乃欲以禮見之僕有汶上之想耳  
 趙  
 宋李柬之致仕以山水自娛常語人曰溪山不換王  
 侯王侯亦不換溪山  
 宋謝諱云入吾室者但有清

風對吾飲者惟當明月  
 通鑑許由隱箕山潁水間  
 入遺以一瓢掛瓢於樹風吹瓢有聲由以為煩遂揭  
 而去之  
 晉書陶潛為彭澤令上官至吏請束帶往  
 見之潛曰吾不為五斗粟折腰事鄉里小兒遂解印  
 而歸  
 歐陽永叔內制序云嗚呼予老矣方買田淮  
 潁之間涼竹箬之暑風曝茅簷之愛日顧瞻玉堂如  
 在天上  
 司馬溫公獨樂園云青山在屋上流水在  
 屋下  
 唐李泌封鄴侯相肅宗辭去云臣有五不可  
 仕遇太早陛下用臣太重恩太深功太高迹太奇

唐司空圖致仕居中條山作一亭名曰休休謂量才  
 一宜休揣分二宜休老而贖三宜休自稱耐辱居士  
 五代史宋齊丘相李主昇上表乞歸九華山其畧  
 云千秋載籍願為知足之人九朶峯巒永作乞骸之  
 客陳希夷隱西華雲臺觀中先生好睡每睡數日  
 而醒唐裴度封晉公致仕歸開綠野堂涼臺煥館  
 具焉與白居易劉禹錫把酒相歡不復問人間事  
 香山居士晉嵇康字叔夜與山濤阮籍阮咸向秀  
 詳耆英編劉伶王戎為竹林之遊時謂竹林七賢南史梁居

僧珍為冠軍將軍其先以販蔥為業及僧珍貴其子  
 姪棄業求官僧珍不許曰汝等自有常分豈可妄求  
 當亟歸蔥肆耳漢嚴子陵身披羊裘釣富春山光  
 武物色求之既入朝與光武共寢以足加帝腹次日  
 太史奏曰客星犯帝座元結事唐秦系致仕歸  
 春賦詩云好鳥偏留客嬌花欲媚人一樽歸興晚物  
 我總成春梁張爽天監中不供學士職御史欲彈  
 劾之褒嘆曰碧山不負吾乃焚章長嘯而去後人詩  
 云碧山學士焚銀魚白馬却走深巖居蓋本此



生絕塵俗碧山學士焚魚去清趣何多白頭老監枕書  
眠黑甜自適焚香修菊譜韓見素何等優游鋤月種蘭  
花王德章不勝散誕楊素公無心以圖富貴竊羨羣  
之慕羶陳仲子滅跡以辭公卿可比飛鴻之遊弋韓詩  
國作鷗鳥伴侶雅致翩翩章表微為松菊主人高懷爽  
爽采羅含之蘭餌胡廣之菊秋梁公且教明月知心掛  
神武之服把富春之竿呂文煥不向畏途着脚林和靖  
孤山放鶴眼中喜見羽儀孔稚珪草徑留蛙耳底所聞  
鼓吹安步當車晚食當肉更是高人皓月為友清風為

朋正稱佳士啼鳥不驚人事閒梅花為報陽春豈最嘉  
寶侍御之幽棲秋光都似宦情薄山色不如歸興濃猶  
羨王參軍之嘉遯  
宋錢若水字淡成新安人為舉子時見陳希夷於華  
山希夷與一老僧方擁爐坐熟視若水以火筋畫灰  
寫做不得三字謂做不得神仙徐曰急流中勇退人也後再  
往希夷曰吾始見子神清氣朗謂可作仙特名此僧  
決之渠云子但能作公卿耳後若水為樞密副使年  
四十致仕老僧乃麻衣道人使君相二句唐文粹語唐

恬澹 三六

陸龜蒙號涪翁性不喜與俗人交常乘小舟設蓬  
 筆床茶竈詩卷酒杯杖屨釣具往來烟渚間時號江  
 湖散人東都事畧朱昂為學士請老而歸於所居  
 作二亭曰知止曰幽棲自號曰退叟蜀志法正字  
 孝直常幅巾見狀風守守曰哀公雖不肖猶臣仲尼  
 柳下惠不去父母之邦欲相屈為功曹何如正曰正  
 以明府相待有禮故特見之必欲以吏使之正將在  
 南山之南北山之北守遂不敢屈元孔文昇先聖  
 五十四代孫也或勸之作答曰後漢之後前漢之前

上下古今吾所願也不願仕也魏野宋真宗朝隱  
 士屢徵不起嘗賦詩有云洗硯魚吞墨云云宋鄭  
 守愚為郡守致仕歸嘗作詩有聯云睡驚可忍風敲  
 竹飲散那堪月在花韻府羣玉黃山谷有題覺範  
 道人也足軒之詩取兩三竿也足之義邵康節安  
 樂窩詩云物而善得終為美事到巧圖安有功不作  
 風波於世上自無冰炭到胸中碧山學士東都  
詳前篇  
 事畧張齊賢子宗誨改秘書監致仕謂其子曰吾作  
 白頭老監枕書眠何必學賀老作流沙之服耶宋



咸平元豐監察御史韓見素為刑部員外郎遂致仕。家君賦詩云。焚香修菊譜。滴露注茶經。明王德章。性恬澹。作詩云。結束學庄家。功名等戰蝸。三春無一事。鋤月種蘭花。北史楊素少多才藝。有大志。不拘小節。周主命素為詔書。下筆立成。辭義兼美。周主曰。善。自勉勿憂不富貴。素曰。但恐富貴來逼臣。臣無心圖富貴。陳仲子楚王遣使賞金百鎰。聘為相。仲子謀之於妻。妻曰。結駟連騎。所安不過容膝。食前方丈。所甘不過一肉。今為容膝之安。一肉之甘。而楚國之

憂。恐夫子之不免也。夫妻逃去。為人灌園。趙宋韓維。字持國。請告老。曰。吾欲尋鷗鳧作伴。與鹿豕為羣耳。唐書韋表微擢進士。授監察御史。不樂。曰。爵祿譬滋味也。人皆欲之。吾年五十。對鏡剪白。雜少年中。取一班一級。不見其味。將為松菊主人。不媿陶淵明云。晉羅含歷散騎常侍。年老致仕。階下蘭菊叢生。狄仁傑告老表云。朱羅含致仕之蘭。餌胡廣延年之菊。南史陶弘景掛冠神武門。不仕而歸。呂文煥為刑部郎。忽動隱興。謂人曰。仕宦畏途也。吾欲掛

服神武投竿富春博一清散耳。趙宋林逋字君復，  
 隱居杭州孤山，常蓄兩鶴，縱之則飛入雲霄，盤旋久  
 之，復入籠中。逋常乘小艇遊西湖，有客至逋所，居一  
 童子延客坐，開籠縱鶴，則逋必棹船而歸。真宗聞其  
 名，賜號和靖處士。北齊孔稚珪庭階下草萊不剪，  
 中有鳴蛙，謂人曰：吾以此當兩部鼓吹。戰國策：顏  
 觸對齊宣王曰：觸願得晚食以當肉，安步以當車，無  
 罪以當貴，清淨貞正以自娛，則再拜辭去。君子曰：觸  
 知足矣，歸真反璞，則終身不辱。文苑英華：竇叔向

為侍御史致仕歸，嘗賦詩云：歸去開開十畝園，紅塵  
 應不到柴關。梅花為報陽春蚤，啼鳥不驚人事閒。  
 張乖崖守蜀有緣事，參軍王姓者老病留別，詩云：秋  
 光都似宦情薄，山色不如歸興濃。乖崖曰：暮下有詩  
 人，奈之何不相聞耶？厚禮遣之。

責曹沫一劍劫桓公，誓不以賊為君。父憂子儀，車騎降  
 同，終不探虎穴，焉得虎子。呂蒙人賞生烈志之，竟入  
 龍宮，乃取龍珠，河上翁更有雄心之子，寇準瀟湘之後

人奈之何下林間即車斷堂  
來淋以曾許東山也下吸誠與費乖其日暮不  
乘車單中誰有繼津終軍王救清平神留候荷  
惠不似柴關外魚耕則清無潮高不薄人事開  
為君睡史姓介觀曾知詩六載夫問問十州開珠耶

力量  
精神五兵肝膽一劍馳王轅駁業恢宏幹坤軸  
撼乾樞鴻猷卓越朝廷重於九鼎君相倚如泰山障瀾  
滄海之中風鵬逸致洗日虞淵之內天驥良才毛遂此  
勁楚歌盟勢凌霄漢相如逼強秦擊缶氣靡虎狼天下  
英雄惟使君先吳中士夫出項梁下毅然以身任朝廷  
責曹沫一劍劫桓公誓不以賊為君父憂子儀單騎降  
回紇不探虎穴焉得虎子呂家人實生烈志之兒直入  
龍宮乃取龍珠河上翁更有雄心之子寇準澶淵之後

力量 聖 蘭雪堂

力主奇謀謝玄淝水之師獨收全筭趙雲當陽出阿斗  
 左衝右突誰與爭鋒樊噲鴻門翼漢王前蔽後遮竟難  
 加害班超三十六人使西域名震邊戎劉崇一百二卒  
 攻宛賊勢雄中國陸秀實解郭晞軍變稟稟乎太阿三  
 尺之鏃汲長孺寢淮南異謀挺挺乎明堂一柱之用种  
 諤請持夏國臂落落英雄陳湯誓斬郅支頭奇奇豪傑  
 吳將百翎劫曹寨眼底應無勅敵存唐軍三箭定天山  
 胸中別有神機在威震華夏關雲長寧非摧枯斫朽之  
 鋒口伐可汗鄭元璫便是歷塊過都之馬

韓詩腸胃繞萬象精神驅五兵 杜詩肝膽一古劍  
 波壽兩浮萍 唐文粹云乾坤軸撼乾樞鼓元氣而  
 雷或中騰百川而雨天下 韓文障百川而東之回  
 狂闕於既倒 狄仁傑傳洗日虞淵 史記平原君  
 使毛遂至楚言合縱之利害日中不決毛遂曰縱之  
 利害兩言而決耳王怒叱之遂按劍曰王之所以叱  
 遂者以楚國之衆今十步之內不得恃衆也王乃歎  
 血爲盟 史記趙王與秦王澠池之會秦王令趙王  
 鼓瑟趙王鼓之藺相如請秦王擊缶秦王不擊相如

曰五步之內臣得以頸血濺君秦王不得已而擊之

天下英雄曹操與劉先主語詳天文

項羽傳吳中賢士大夫皆出

項梁下每吳中有大繇項梁常為主辦左傳齊桓

公伐魯魯三敗莊公請獻遂邑地桓公將與魯盟於

柯曹沫以匕首劫桓公於壇上曰反魯之侵地桓公

不得已而還之子儀呂蒙事詳武職篇莊子河上有家貧

者其子沒於淵得千金之珠其父曰珠在九重之淵

驪龍領下子能得之遭其睡也若使其寤子為整粉

矣齋整同言行錄契丹寇澶淵寇準勸御駕親征至

澶淵又勸帝渡河士卒望見其車騎呼萬歲聲聞數

十里契丹遂靡相與定盟面去蜀志曹操追玄德

於當陽長坂趙雲抱阿斗於懷以數騎左冲右突無

人敢抵史記沛公會項羽於鴻門范增舉決有殺

之之意樊噲擁盾而入皆張血逆羽曰壯士也增乃

不敢加害漢書班超以三十六人使西域聞北使

在繕善因以火攻斬其使及眾三十餘級繕善

驚降遂平西戎諸國漢書劉崇起兵討王莽纔一

百二人耳與劉秀共舉大事卒成中興偉業唐代

宗紀郭晞縱士卒為暴軍士十七人入市取酒刺酒  
 翁秀實列卒取十七人首注之槩上晞一營大譟盡  
 甲節度使自孝德恐秀實曰請往解之陸隨以老覺  
 者一人馳馬至晞門下甲者出秀實曰殺一老卒何  
 甲也甲者愕然晞盡叱退之變隨解曰通鑑漢淮南  
 王安與賓客左吳等為反謀且曰漢廷大臣獨汲黯  
 好直諫守節死義難惑以非若公孫等如發蒙振落  
 耳東都事畧种世衡子諤字子正為鄜延路副總  
 管時夏國秉常為母所囚种諤入對大言曰夏國無

人秉常孺子耳臣請持其臂而來神宗壯之漢元  
 帝時陳湯甘延壽同使外國邳支單于乃殺漢使二  
 人陳湯為人沉勇喜立奇功遂矯制發諸國兵四面  
 圍擊單于被創死二人大捷而歸湯封關內侯延壽  
 義成侯吳志甘寧率麾下精壯百人皆首插白翎  
 為識夜劫曹公寨天明歸不折一人薛仁貴事  
 蜀志關雲長水擒七軍時威震華夏唐書突厥攻  
 太原鄭元璠持節往勞既至敵以不信咎中國元璠  
 隨語折讓無所屈徐乃數其背約突厥愧服引軍還

力量

星

太宗賜書曰知卿口伐可汗邊烽息燧朕何惜金石  
賜於卿哉壽音孰可汗音克寒君長之稱

為端發因世公界入凡補下  
養奴對 吳法日寧率瀨下辭集百人皆首辭白  
圍舉卑于遊憐取二人大對而憚甚佳園內對城青  
人刺甚為入武復高直也滋益歸發滿園兵四面  
帝潮刺甚甘我請同動快因雁文單于以幾莫受  
人乘常盡于凡引請其曾而來脈亦集之  
莫

氣蓋羣公眼空四海自任以重隱然負海巨鯨獨立不  
移屹若擎天高柱許少施巧膂力絕人力折秦成剛強  
冠世孟賁拔出牛角曠世寡雙惡來裂碎豹頭歷朝少  
二飲飛勇士斬兩蛟却有餘能夏育雄夫舉百鈞更無  
難事曳九牛之尾許仲康千古俊豪殞兩虎之軀卞莊  
子萬夫智勇周處殺南山虎烈氣無倫廣陵搏西園熊  
雄心獨壯英風萬人敵尉遲奪元吉之稍猛氣列朝空  
烏獲舉恭土之鼎更見蜀國王五丁鑿路還聞夸娥氏

古事苑

勇敢

吳

廣厚堂

二子負山叔梁紇獨持縣門驚碎國君之膽薛孤延敢  
鬪霹靂挫殘雷部之威李存孝力折金戈王彥章手伸  
鐵槩鐵猛獸左奔右突陣陣皆靡王夜叉直撞橫衝人  
人盡靡項羽自江東崛起當代威稱力拔山樊噲請塞  
北橫行至今尚想威如虎楊無敵果人無敵石敢當又  
誰敢當宋天使乃屬狄青頓使敵人號魄漢飛將曾名  
李廣必令邊境銷魂激烈如桓石虔令譽愈病子之瘡  
魁梧若張文遠轟名止小兒之啼甘廷壽拔距踰倫蓄  
丘訢斬蛟駭眾疾雷將人人奮勇可爭先馮子都個個

英雄堪殿後典韋手中雙戟是曹公護法金剛末亥袖  
裏一椎乃晉鄙追魂使者

氣蓋羣公二句唐文粹語京地輿志渤海東有員嶠  
蓬萊五山常隨潮汐上下帝命巨鯨舉首戴之始時  
而不动藝文類聚許少施巧皆古捷人藝文類  
聚力折秦成皆古壯士孟賁古勇士齊人也能力  
拔生牛角惡來秦勇士能生裂虎豹之首飲飛  
乃楚莊王勇士莊王渡江有二蛟夾王舟舟欲覆飲  
飛乃入水中斬其二蛟浪遂平春秋時夏育衛人



也力舉百鈞。魏志許褚字仲康家有剗賊將九牛去褚追於途曳九牛之尾而轉之時號為九牛許褚下莊子遊山谷間見兩虎鬪謂同行者俟其少倦可併殺之人謂其勇而有智。晉周處少時凶狠使氣為鄉里所患父老憂之處問其故父老曰義興水。中蛟南山白額虎并子為三害處乃斬蛟刺虎自改行淬礪為忠臣孝子。西京雜記廣陵王育有膂力嘗於文帝太子思賢苑別圃學格熊後遂能空手搏馬。劇遲奪稍詳武職篇春秋時烏獲有勇力恭武王命力

士孟說共舉鼎孟說截脰死烏獲則舉鼎絕倫矣。鑿路負山左傳晉智罃會諸侯圍偃陽城偃陽人並詳地理。啓城門諸侯兵進縣門下孔子父叔梁紇極勇力以手持之諸侯兵進遂城偃陽。縣同懸縣門謂滾門砲石北齊薛孤延從神武闕馬道逢大雷電火燒浮圖延按稍大呼繞浮圖走火遂滅延鬚及馬鬣皆焦神武嘆曰烈哉延也乃敢與霹靂鬪。後周蔡祐與齊戰着明光鎧甲所向無敵號鐵猛獸。宋王德高宗將勇猛絕人號為王夜叉先是王德以十六騎徑入隆德府縛

金守臣獻於朝。故人以王夜。又名史記。項羽困於垓下。作歌云。力拔山兮氣蓋世。時不利兮騅不逝。騅不逝兮可奈何。虞兮虞兮奈若何。漢史。匈奴數遣書。嬖罵呂后。樊噲請以十萬眾。橫行塞北。呂后壯之。曰。真虎臣也。趙宋楊繼業。勇力絕倫。號為楊無敵。石敢當。五代晉祖之將也。極勇力。晉祖與愍王爭。忿敢當。袖鐵鎚。殺愍王左右。狄青李廣。晉書。桓石虔。小字鎮惡。勇猛絕人。有病瘡者。稱其名怖之。其瘡輒愈。魏張遼。字文遠。與吳戰。大勝之。吳人盡畏。

其威名。吳中小兒啼者。呼其名。震之。曰。張遼來。即止。轟音漢書。甘延壽。殺石拔距。絕於等倫。拔距者。人相把據地。以為堅。能拔取之也。列國蓄丘。訢勇士也。過神淵。飲馬。馬沈。訢拔劍。斬二蛟。雷神隨而激之。訢與鬪。眇其一目。唐鄭叟。鎮鳳翔。募勇士五百。每出陣。號疾雷將。五代史。梁朱瑾。募壯士。黥雙鴈於頰。號鴈子都。魏典。韋手持雙戟。各重八十斤。魏朱亥。有勇士也。秦圍邯鄲。魏公子無忌。矯魏王令。發兵救趙。時兵符在晉鄙處。鄙疑之。亥袖四十斤鐵。

惟惟殺吾鄙遂將兵救趙

駿未支百與士出秦國涓涓賤公千難泉激賤王令

然賦擬鳳千淋 賤典草千科雙游谷重八十

我出刺讎燕雷排 五升曳采未難集非士難變烈

之信與關姐其一月 專禮刈難鳳賤募再士正百

士也嚴軀微滑黑黑或信對險沖二翅 雷師訓而

人淋吐對此以爲望計對如之也 候國蓄且清與

其如谷與中小良湖普和其古靈之曰非強來明出

其如谷與中小良湖普和其古靈之曰非強來明出

其如谷與中小良湖普和其古靈之曰非強來明出

蘭雪堂古事苑定本卷之五

饒安 鄧志謨景南 編輯

戴 珉潔澄

西冷 戴 璵瀾石 參定

戴 琰師會

幼穎

大鈞無私小子有造舞勺舞象循循乎次序有差佩鞶

佩觿棣棣然威儀不忒瑤環瑜珥蘭萬其芽栝柏豫樟

棟勝其任劉晏稱爲國瑞絕類離羣任延號曰聖童少

雙寡二甘羅孱口為始皇相。勿論年縱。項橐童牙作孔子師。却知學富。蔡晞四齡為正字。古僅一聞。童烏九歲預立文。今難再覩。執干戈以衛社稷。汪錡小子頗能列俎豆。而習禮儀。孟氏冲年乃爾。晉羲之固是佳子弟。魏祖瑩豈非聖小兒。識之認無白。居易襁褓中之慧性。提戈取印。曹國華。醉盤內之壯圖。許彥伯是許氏亢宗孫。陳仲舉乃陳門不凡子。司馬五齡擊甕。即占極。溺才猷。寇公七歲詠山已卜具。瞻氣象。手內刀拒賊。朱暉懷烈士之風。袖中橘遺親。陸績具成人之度。坐間言自別人。

稱謝尚是顏回步處。敏於詩。我道公權過。子建陸雲。同昂昂龍種。趙宗真。楚楚鳳毛。王元之席上成。聯總卯角。時已擴開智慮。李長吉囊中內句脫。班衣處。便嘔出心肝。阮公只與阿戎談。李泌甘同張。相友王獻之。文明大著。嬰孩紹逸少。箕裘張辟疆。政事頗優童。穉傳子房衣鉢。是鵠子有青雲意。亦鳳雛呈丹穴儀。丰姿洒洒更思王文度。居滕上之時。器宇恢恢。當是陳孺子。宰天下之志。尚嘉羊氏子。桑中探出金環。勿謂盧家兒。案上翻殘墨汁。

詩經成人有德小子有造 禮記童子緦角舞勺成

童舞象勺象皆樂也 詩經芄蘭篇童子佩觿童子佩鞶

觿音奚鞶直倫行篇 南宋袁粲年尚幼王儉見

而美之曰栝柏像樟雖小有棟梁之用 唐玄宗封

泰山劉晏八歲獻頌帝奇其幼命張說試之說曰國

瑞也 漢任延生而穎異號聖童 史記云秦始皇

使張唐往相燕不肯行甘羅曰項橐七歲為孔子師

今臣生十二歲矣君其試臣 始皇使甘羅于趙趙王

郊迎割五城以廣河間羅還報秦以羅為相故古語

云唐且以華顛悟秦甘羅以童牙說趙 列子云蒞

衣八歲為舜帝師項橐七歲為孔子師畢子八歲贊

禹言 蔡伯晞四歲應薦為秘書正字壽八十以列

卿致仕 檀弓齊伐魯戰於郎魯童子汪錡死焉魯

人欲勿殤汪錡問于仲尼 仲尼曰能執干戈以衛社

稷雖欲勿殤也不亦可乎謂欲以成人之喪禮葬之 孟子幼時

居播間乃為嬉戲堊埋哭泣之事 母遷居于市孟子

即為貿易之事 母遷之學舍旁孟子與羣兒戲列俎

豆習禮儀母乃大喜 童烏義之 北魏祖瑩少攻

幼穎

三

南齊


書人號為聖小兒及長善作文謂人曰文章須自出  
一家機杼安能與人同生活白居易生七月即能  
識之無二字百試之不差宋曹彬字國華試週之  
日百物具備彬左手提干戈右手取俎豆斯須取一  
印餘無所視厥後果出將入相唐許敬宗孫彥伯  
昂之子也善為文敬宗嘗戲與子昂曰吾兒不及若  
兒答曰渠父不及昂父後漢陳仲舉十五能文郡  
功曹薛勤往候之仲舉父出迎勤曰足下有不凡之  
子吾來候之非為卿也仲舉諱蕃宋司馬溫公五歲時

與羣兒戲一兒墮囊中羣兒驚走公擊碎其囊其兒  
得活眾皆異之寇準詠山見前地理漢朱暉年十三從諸  
舅母之京途遇賊欲奪諸母衣暉拔刀曰財物可得  
諸母衣不可奪賊義之曰童子內刀舍之而去吳  
志云陸績年六歲見袁術袁術出橘績懷三枚去拜  
辭墮地曰欲歸遺母術大奇之晉書謝尚年八歲  
與眾客讌飲客曰此兒一座之顏回也尚答曰座無  
尼父焉別顏回客奇之唐柳公權年十二歲三步  
能成詩文宗曰子建七步子乃三步耳子過于子建

多也。晉陸雲六歲能屬文。與兄機齊名。雖文章遜機。而詩論過之。號曰二陸。幼時尚書閣鴻見而奇之。曰：陸家兒若非龍種。當是鳳雛。鳳雛。倫毛詳。宋王元之七歲已能文。文簡公留在子弟中講學。一日太守席上出詩句云：鸚鵡能言爭似鳳。眾莫能對。元之對曰：蜘蛛雖巧不如蠶。眾莫不嘆賞。詩經：婉兮變兮。總角卅兮。卅音慣。束髮。唐李賀字長吉。年七歲善詩。每旦出騎弱馬。小奚童背古錦囊。得佳句則書而納之囊中。母見之驚曰：是兒嘔出心肝乃已。韓愈皇

甫混過其家。使賦高軒過。晉阮籍與王渾為友。渾戎年十五。隨在郎舍。籍曰：渚仲清賞。非卿比也。共卿言不如共阿戎談。李泌七歲時。張九齡謂蕭誠之為人軟美可愛。泌曰：公為相。喜軟美者乎。九齡大驚。遂呼小友。晉王羲之之子獻之。幼有文名人語曰：羲之之後復有之。張辟疆。張良孫也。十五為郡有政聲。人語曰：王獻之之文章。張辟疆之政事。不假祖父生質之美也。晉書：王坦之字文度。美丰儀。父鍾愛之。雖長大猶抱置膝上。後為桓溫之長史。平陳。

事詳 晉書羊祜字叔子五歲時至園中令乳母取  
所玩金環乳母曰無此物祜乃訪鄰人李氏東園桑  
樹中得之主人大驚曰此余亡兒所失物乳母具言  
之李氏悲惋人異之乃知李氏子乃祜前身 盧仝  
示子詩云忽來案上翻墨汁塗抹新詩如老鴉



者英 高年難得大老無朋黃髮秀眉松筠同其晚節  
齒龜鶴羨以長年日耄日耄日期頤人推碩望為師為  
保為尚父國重元龜賜之几賜之糜道當如是杖於朝  
杖於國理則宜然試實其人必稽諸古畝丘人美哉壽  
也絳縣老遐矣算焉函谷跨牛李耳演道德五千之秘  
渭川躍鯉子牙釣乾坤八百之秋鬻熊子猶可作文王  
師張柬之更堪為武后相先零叛漢顏齡之充國尚請  
一行獫狁侵周元老之方叔竟收三捷既平西域班超



願入玉門關已服南蠻馬援遂分銅柱界梁灑華顛魁  
 士一代文章顏淵皓首為郎三朝輔佐李百藥才新而  
 齒則宿盧蒲嬰髮短而心甚長廉頗開弓八百斤力猶  
 如故沈麟寫書數十篋目則愈精洛社羣英徜徉風月  
 虎溪三叟笑語烟霞黃石公出圮上一編書禹侯有幸  
 東方朔偷瑤池三度果武帝頻驚京國秋風薊子摩挲  
 銅狄家庭化日萊兒戲舞班爛榮啓期擴襟懷行歌樂  
 士疏太傅乞骸骨飲餞都門中公鬚髮皆皓更致蒲輪  
 之名蔡挺精神未文猶勤璧幣之怡商嶺四翁翼太子

之承大統新城三老悟高皇之起義兵伏生晚歲傳經  
 教而勿倦衛武老年作誠學之彌殷是誰運動老陽生  
 子却無日影若個學成玄法燒丹膺有霞光歷考前聞  
 悉為異事人皆愛香山居士只將詩酒作生涯我且稱  
 楚丘先生猶抱經綸之學術

禮記大老無朋事文類聚云老人髮復黃及眉有  
 長毫者皆老壽之徵秦誓云尚猷詢茲黃髮則罔所  
 愆七月詩曰為此春酒以介眉壽詩行葦篇黃耇  
 鮒背凡人至九十曰駮背謂人老氣衰皮膚消瘠背

若駢魚故曰駢背駢音台魚名即河豚曲禮云人生十年曰  
 幼學二十曰弱冠三十曰壯有室四十曰強而仕五  
 十曰艾服官政六十曰耆指使七十曰老而傳八十  
 九十曰耄七年曰悼悼與耄雖有罪不加刑焉百歲  
 日期願類書云八十曰耄書經周官云立太師  
 太傅太保茲惟三公少師少傅少保曰三孤續漢  
 書云民年七十者授之以玉杖舖之以糜粥玉杖端  
 刻以鳩鳩不噎之鳥欲老人不噎也禮記云人五  
 十無車者不越疆吊人五十杖于家六十杖于鄉七

十杖于國八十杖于朝云齊桓公見敬丘人  
 年老問曰爾年幾何對曰臣年八十三矣公曰美哉  
 壽也左傳云絳縣老人曰臣生之歲正月甲子朔  
 四百有四十五甲子矣二萬六千六百有六旬周末李老子  
 跨青牛出函谷關吏尹喜望其紫氣祇候之老子乃  
 授以道德經凡五千言渭川詳地理篇列子鬻熊子年  
 八十餘見文王文王老之鬻熊子曰若使臣逐豹射  
 麋吾則老矣定策決事臣方少也文王于是師事之  
張柬之詳英賢漢書西羌先零反上問丙吉誰可將者

趙充國對曰無逾老臣願馳至金城圖上方畧時充  
 國年七十餘矣采芑詩云方叔元老克壯其猷又  
 曰顯允方叔征伐獫狁蠻荆來威蓋方叔嘗與於北  
 伐之功一月而三捷也漢書班超在西域年老思  
 歸上書曰臣不願到酒泉郡但願生入玉門關上乃  
 詔還後漢馬援年六十餘征交趾立銅柱為界銅  
 柱南屬交趾地北則漢也宋梁灝八十二歲中狀  
 元謝表有云皓首窮經少伏牛之八歲青雲得路多  
 太公之二年漢顏驕為郎武帝問曰叟何時為郎

答曰臣文帝時為郎矣文帝好文而臣好武武帝好  
 美而臣貌醜陛下好少而臣已老帝乃遷其秩唐  
 李百藥年七十賦帝京篇上覽之喜曰齒則宿而才  
 甚新也左傳云盧蒲癸曰予髮種種如此予奚能  
 為子雅曰彼其髮短而心甚長雙音擊史記趙廉  
 頗年七十猶食肉十斤飯斗米力猶能開弓八百斤  
 唐沈麟年過八十耳目猶聰明寫細書二三年滿  
 數十篋宋神宗時文潞公彥博七十與富弼九十  
 席汝言七十王尚恭七十趙丙七十劉幾七十馮行

已七歲。楚建中二歲。王謹言二歲。張問七歲。張燾七歲。王拱辰一歲。司馬光等六歲。為耆英會。就資聖院。建大夏。日耆英堂。命閩人鄭奐繪像堂中。共一十三人。晉惠遠法師隱廬山。送陶元亮。陸修靜至虎溪。與語大笑。世傳為三笑圖。史記黃石公在北橋上。命子房取履。子房跪授之。公曰。此子可教。乃出一編書與之。曰。讀此可為帝王師。漢武故事。西王母降。出桃七枚。自啖二枚。五枚與帝。帝留核。欲種。母曰。此桃三千年一開花。三千年一結實。指東方朔曰。此桃。

三熟此兒已三偷矣。神仙傳云。後漢荀子訓與一老翁共摩挲銅狄。曰。適見鑄此已五百年矣。老萊子年七十。父母猶存。服斑斕衣。為嬰兒戲於親前。言不稱老。家語榮啓期鹿裘帶索。鼓琴而歌。曰。天生萬物。吾得為人。一樂也。得為男。二樂也。吾年九十五矣。三樂也。貧者士之常。死者人之終。吾何憂哉。漢疏廣為太傅。兄子受為少傅。共上表乞骸骨。歸故人。祖餞於都門外。道路觀者皆曰。賢哉二大夫。漢書武帝遣使求帛加璧。以蒲裹車輪。而迎申公。時申公。

已年八十餘矣。唐蔡挺上書有玉關人老之語。文宗遂使使持節以幣召用之。漢紀高祖寵戚氏，欲以戚氏子如意易太子。張良使呂后名商山四皓至，與太子遊。漢祖知其人，顧謂戚氏曰：我欲易之，彼四人者羽翼已成，難動搖矣。商山四皓東園公綺里季夏黃公角里先生漢王至洛陽新城，三老董公曰：項羽放殺其主，大王宜率三軍素服以告諸侯而伐之，此三王之舉也。漢王于是為義帝發喪。濟南伏生名勝，為秦博士。漢文帝時求能治尚書者，伏生老不能行，使晁錯往受。

之得二十九篇，今古文尚書是也。衛武公年九十有五，猶箴儆于國，曰：自卿以下至于師長士，苟在朝者，無謂我老耄而舍我，必恪恭于朝，以交戒我。遂作懿戒之詩以自警。韻府陳甯有富翁年九十取女生男，長男以為非父之子，數年爭財，州郡不決，丞相丙吉曰：曾聞真人無影，老陽子亦無影，又耐寒時八月取同年小兒，俱裸體，此兒獨啼，言寒，又並令日中行，獨無影，方服。神仙傳云：淮南王安愛道術，有八老詣門，授王丹經，王煉丹服之，上升臨去，置丹鼎。

于中庭。雞犬共舐之。皆得仙去。唐武宗時。白居易  
四歲稱香山居士於東都。與胡果。九歲劉真。八歲吉  
收。八歲鄭據。五歲盧真。二歲張渾。七歲洛中遺老李  
元爽。十一歲僧如滿。五歲九人作尚齒會。以詩酒共  
娛。時號香山九老。劉向新序。楚丘先生行年七十  
披裘帶索。見孟嘗君。君曰。先生老矣。春秋高矣。何以  
教之。楚丘曰。將使我追車而赴馬乎。投石而趨距乎。  
逐麋鹿而搏虎豹乎。吾已老矣。將使我出正辭而當  
諸侯乎。決嫌疑而定猶豫乎。吾始壯矣。何老之有。

婚姻

六禮既成。兩家遂好。解佩纓以為理。蹇脩還是良媒。食  
胡餅以忘言。逸少正為佳婿。共牢而食。合卺而飲。已知  
情意綢繆。欲男有室。願女有家。白是禮儀。不忒水清玉  
潤。羨渠賢婿。賢翁瑟鼓琴調。樂彼佳兒。佳婦五色絲。憑  
牽佳偶。九子墨為祝。多男俊逸。裴航藍橋上。搗殘玉杵。  
風流蕭史。秦樓中吹澈瓊簫。橋橫銀漢。水漣漪。路入桃  
源。花爛熳。不矜華飾。桓少君挽鮑夫子之車。自負才能。  
劉延明坐郭先生之席。英賢居爵品。士嘉李元禮乘龍。

清士寡奩儀。人見吳隱之賣犬。月輪有意。定知丹桂近。  
 姮娥天意無私。還許女蘿附松柏。娶妻非以貌。何愁許。  
 婦乏容。選配勿論財。當識韋郎有德。朱陳巨族。今日堪。  
 傳嫁娶圖。秦晉大邦。當年還是婚姻國。

六禮謂納采。納雁以為問名。問女生之。納吉。而納之。

納徵。納幣以為請期。請婚之日。親迎。婿親至翁家。楚辭解佩纓以結言兮。吾令蹇脩以為理。蹇脩占之。

晉書。郗鑒使人求婿于王導。導令徧觀諸子。姪皆各。

矜持。惟羲之東床坦腹。食胡餅。若不聞使。者言于鑒。

蓋曰。此正佳婿及訪之。乃義之也。遂以女妻之。

姻之禮。共牢而食。合卺而飲。牢。牲也。共牢。謂同食一。

牲也。一瓠分為兩瓢。謂之卺。合卺者。謂婿與婦執一。

片以飲酒也。婦至婿揖婦以入。共牢而食。合卺而飲。

世說。衛叔寶是樂彥輔婿。並有海內之名。裴叔道。

嘗稱之曰。婦翁冰清女婿玉潤。衛字叔寶。唐郭。

元振美丰姿。宰相張嘉貞欲納為婿。曰。吾五女頗俊。

各執一絲於幔中。子牽之。得者為婦。振牽一紅絲。得。

第三女。有姿色。陸士龍祝九子墨云。九子之墨藏。

于松烟本姓長生子孫無邊

裴航詳後神仙 桃

源劉阮入天台採藥得遇仙姬事

詳後神仙 後漢鮑宣

娶桓氏字少君資粧甚盛宣不悅少君悉歸其服飾

更着短布衣與宣共挽鹿車歸鄉里拜姑畢即提囊

出汲後魏劉昞字延明年十四就博士郭瑀學弟

子五百餘人瑀有女選婿意在延明特設一席曰吾

欲覓一快婿誰坐此者吾當妻焉延明奮衣而坐曰

願其人也瑀遂妻之魏黃尚與李膺俱為司徒並

娶太尉桓元叔女人謂桓元叔兩女俱乘龍杜子美

詩門闌多喜色女婿近乘龍世說補謝石請吳隱

之為衛將軍主簿隱之將嫁女謝知其貧潔遣女必

當率薄乃令移厨帳助其經營使者至方見一婢牽

犬賣之此外蕭然無辦唐袁筠娶蕭安女言定未

幾擢進士第羅隱贈以詩云細看月輪還有意定知

丹桂近姮娥詩經薦與女蘿施于松柏比婚姻 纏綿意

古樂府冉冉孤生竹結根泰山阿與君為新婚兔絲

附女蘿兔絲生有時夫婦會有期十年遠結婚軒車

來何遲許允婦詳唐張延賞選婿其妻苗氏獨

婚姻

古



愛韋臯延賞不得已許之後頗輕賤之臯因辭東遊  
 後五年擁節旄改姓名曰韓朝代延賞職人報曰替  
 相公者韋臯也延賞莫信及見之愕然車文類聚  
 朱陳村惟兩姓世世為婚姻故唐人詩云欲將顧陸  
 丹青手畫取朱陳嫁娶圖左傳晉公子重耳至秦  
 秦伯納女五人懷贏與焉奉匜沃盥既而揮之怒曰  
 秦晉匹也何以卑我

婚姻

天作之合文定厥祥水人言語相傳儘稱異夢月中  
 老簿書獨檢恰是奇聞入豫文蕭已結彩鸞之約奔齊  
 敬仲喜符鳴鳳之占情款密魚水同歡意綢繆絲蘿有  
 托因親作配溫嶠曾經下鏡臺從簡去華仲淹直欲焚  
 羅幔分由夙定藍田種白壁雙雙事屬奇緣巫岫賦行  
 雲六六屏開孔雀輝煌羽相府春融禱隱芙蓉爛熳花  
 洞天景媚牽烏羊以為禮自是古風選碧鸛以成婚正  
 為佳匹敬隆中鬪案前齊德耀之眉睡好東床牕下坦

右軍之腹○芳時欲邁○曾說風人咏○標梅流水多情却聞  
宮女題紅葉○劉景擇婚杜廣廐卒何慚○摯恂定配馬融  
門徒有幸○情孚意契○漢君指腹連姻○義重恩深○楚女因  
婚報德○族強而盟未諧○固可為恨○國大而辭非耦○亦豈  
是緣○張負鑑先明○遂爾畱心○菱巷子平願已畢○飄然躡  
跡名山

詩經天作之合○文定厥祥○晉索統明術數令狐策  
夢立冰上與冰下人語○統曰冰上人與冰下人語為  
陽語陰媒介事也○當為人作媒○冰泮婚成會太守田

豹求張公徵女○使策為媒○仲春成婚○唐韋固求婚  
旅次宋城○遇老人向月檢書曰○此天下婚姻牘○固問  
囊中何物○曰赤繩子以繫夫婦之足○雖侑家異域○此  
繩一繫○終不可易○固問妻安在○曰店北賣菜陳媪女  
是天明往視之○見媪抱三歲女○甚陋○固令奴刺女○中  
眉後十四年○相州刺史王泰妻以女○眉間常貼花鈿  
歲餘問之女曰○妾郡守之姪女也○父終宋城宰○襁褓  
時乳母鬻蔬以給○嘗抱于市○為賊所刺○痕尚在耳○宋  
城宰聞之名其店為定婚店○唐文蕭抵豫章之西

山○山○有○許○真○君○第○見○一○妹○顧○文○蕭○曰○妾○彩○鸞○也○君○非  
 文○蕭○耶○遂○相○與○至○洞○中○成○夫○婦○之○禮○左○傳○懿○氏○卜  
 妻○于○陳○敬○仲○其○妻○占○之○曰○吉○是○謂○鳳○凰○于○飛○和○鳴○鏘  
 鏘○有○媯○之○後○將○育○于○姜○五○世○其○昌○管○子○桓○公○欲○求  
 寧○戚○戚○曰○浩浩○者○水○育○育○者○魚○未○有○室○家○安○召○我○為  
 注○曰○魚○水○喻○室○家○寧○戚○有○伉○儷○之○思○故○云○世○說○晉  
 溫○嶠○姑○有○女○屬○嶠○覓○壻○嶠○有○自○婚○意○曰○佳○壻○難○得○但  
 如○嶠○比○云○何○姑○云○何○敢○希○汝○比○也○復○一○日○嶠○報○云○已  
 得○壻○矣○門○地○不○減○嶠○因○下○玉○鏡○臺○一○枚○姑○喜○饌○婚○交

禮○姑○女○以○紗○扇○蔽○面○笑○曰○我○固○疑○是○老○奴○宋○范○文  
 正○公○之○子○娶○婦○將○歸○或○傳○以○羅○為○帷○幔○者○公○聞○之○不  
 悅○曰○吾○家○素○清○儉○安○得○亂○吾○家○法○持○至○當○火○于○庭○  
 搜○神○記○陽○公○雍○伯○致○義○漿○給○行○人○三○年○有○一○人○就○飯  
 曰○何○不○種○菜○答○曰○無○種○其○人○懷○中○出○菜○子○一○升○與○之  
 種○曰○種○此○生○美○玉○併○得○好○婦○公○種○之○數○歲○北○平○徐○氏  
 有○女○公○求○之○徐○氏○曰○得○白○璧○一○雙○當○為○婚○公○往○種○菜  
 處○得○白○璧○五○雙○以○聘○遂○妻○以○女○名○其○地○曰○玉○田○唐  
 竇○毅○有○女○欲○選○壻○畫○二○孔○雀○于○屏○令○求○婚○者○射○之○陰

約中目則與以女唐高祖射中雙目遂得娶杜子美  
 詩屏開金孔雀褥隱綉芙蓉宋孔淳之性高尚與  
 徵士王敬弘為友敬弘以女適淳之子牽烏羊提壺  
 為禮人怪其薄答曰此田父之禮也唐韋誥遜裴  
 寬為婿成禮之日其族聚觀之寬時衣碧瘠而長族  
 人見之呼碧鶴雀漢孟光字德耀配梁鴻夫婦相  
 敬如賓每饋食舉案齊眉王右軍詳前篇詩國風標有  
 悔其實七兮求我庶士迨其吉兮南國破化女以及貞信自守體嫁不及  
 時而有強暴之焉唐于祐步禁衢見御溝流紅葉題有

詩云慇懃謝紅葉好去到人間祐拾之亦題一葉云  
 曾聞葉上題紅葉上題詩寄阿誰放上流官女韓  
 夫人拾之後帝出宮女韓泳作伐嫁于祐韓夫人見  
 葉大驚曰事豈偶然一日泳曰今可謝媒韓笑曰一  
 聯佳句隨流水十載幽情滿素懷今日結成鸞鳳友  
 方知紅葉是良媒泳笑唐劉景為刺史杜廣為其  
 廐卒一日與語大奇之歸謂妻曰吾為女求夫二十  
 年不意廐中有騏驥遂妻以女後漢摯恂不應徵  
 聘教授南山馬融往從之恂大奇其才以女妻之

後漢賈復與五校戰大破之復傷鎗光武大驚曰夫  
 吾名將聞其婦有孕生女我子娶之生男我女嫁之  
 不令憂妻子也復病仍愈左傳吳師入郢楚子收  
 其妹季芊以出楚昭王之奔鄭楚大夫鍾建負季芊  
 以從王將嫁季芊季芊辭曰所以為女子遠丈夫也  
 鍾建嘗負我矣以妻鍾建以為樂尹薛趙三恨  
詳後人事  
 左傳鄭太子忽嘗有功于齊侯請妻忽辭人問其故  
 答曰人各有耦齊大非吾耦也漢陳平家貧居萎  
 巷張負孫女五嫁而夫輒死人莫敢娶平欲娶之負

子曰平貧不事產業負曰人有美如陳平肯長貧賤  
 者乎遂以女妻平後漢向長有高尚之志為男女  
 婚嫁畢遂遊于五岳名山莫知所終向長字  
子平

女子

西子南風姿容絕俊易安道韞才思頗優潘妃步采采  
 金蓮小蠻腰纖纖翠柳吳絳僊侍隋煬帝色秀可餐陳  
 夜主寵張麗華髮光可鑑太真淚紅於血滴時更結寒  
 水麗娟氣馥於蘭噴處恰成香霧問貞妻何處清風嶺  
 自彼更名詢義女誰家烈泉井由渠起號更憶美人亡  
 殿上血痕幻抱子之磚翻思節婦死江邊肢體化望夫  
 之石效顰醜婦何曾聞媼裏回妍挾技妖姬乃更覺老  
 中還少水湧漸臺符券不交傳命使須足流芳火炎祇

古事苑

女子

辛

蘭雪堂

廟玉環相贈有情人實能遺臭故夫三從閨內操婦道  
 乃正常倫乃若四畏堂中壞夫綱必污清議燕子飛孤  
 鷺泣兩般盡可稱嘉獅子乳牝鷄鳴二事還堪唾笑  
 西子西施也吳王妃國語晉文公得南威姿色嬌  
 麗三日不朝遂推南威而遠之曰後世必有以色亡  
 國者李易安謝道韞俱才女易安詞云昨夜雨  
 疎風驟濃睡不消殘酒試問捲簾人却道海棠依  
 知否應是綠肥紅瘦齊東昏侯寵潘妃以金蓮花  
 貼地令妃行其上曰步步生蓮花隋煬帝每視絳

僊顧內侍曰古人謂秀色可食若絳僊者可以療飢  
 矣絳僊嘗以紅牋進詩謝帝帝曰絳僊才調古相如  
 也陳後主自居臨春閣張貴妃居結綺閣龔孔二  
 貴妃居望仙閣並複道往來張貴妃髮長七尺其光  
 可鑑秀色溢目嘗于閣上觀粧臨監宮中遙望飄若  
 神仙開元遺事楊太真初入宮時別父母淚下皆  
 成紅冰鷄跖集漢武帝所幸宮人名麗娟年十四  
 玉膚柔軟吹氣成蘭居處于明離之宮宋王貞婦  
 臨海人德祐二年冬元兵入浙其舅姑及夫皆被害

令人擁其婦以行貞婦至青楓嶺擁行者少怠齧指出血書石上云雲山千古恨金石一生心自投嶺下死郡守為立祠改青楓為青楓隋裴倫為涇源令城為賊所陷倫遇害妻柳氏有二女及兒婦義不受辱四人連手投井中邑人號其井曰烈泉井傳望夫石俱詳地理西施病心而輦其里之醜人見而美之歸亦捧心效顰里人見而走左傳夏姬內挾技術老而復壯凡九為寡婦常之者輒死晉楚間有諺曰夏姬得道雞皮三少楚昭王夫人齊女也王出遊馬

夫人於漸臺約日名必以符江水大至王遣使迎夫人忘持符夫人不肯行使者還符未至臺已崩夫人溺死異苑北齊有公主生命乳母陳氏撫之母携子俱入主與子日弄玉環為戲後其子以年長不許入宮思主成疾主約於祆廟相會既至陳子睡主寘玉環于懷而去陳子醒覺心火烈祆廟遂焚祆音軒記云婦人三從謂在家從父出嫁從夫夫死從子四畏詳燕子飛燕門節婦事詳後唐有節婦喪夫作詩云絃中悲別鶴鏡裏泣孤鸞朱燕東坡

女子

三

貞節堂



謫居黃岡與陳季常遊季常自以飽參禪學其妻柳氏悍客至或聞詬罵聲蘇東坡戲以詩云誰說龍丘居士賢談經說有夜不眠忽聞河東獅子吼拄杖落手心茫然書經牧誓武王曰古人有言曰牝雞無晨牝雞之晨惟家之索今商王受惟婦言是用

夫人張漸臺際日台必以符平水大至王豈與此夫

女子

二

女從與索人有且評貌若問媼允數春秋之勝賢如德耀還推漢代之先魏靈雲須是鍼神蔡文姬便為笳譜王夫人靜雅綽然有林下之風顧家婦純良粹矣屬閨中之秀春風蕩蕩劉雀臺中鑽二喬夜月娟娟館娃宮裏眠西子黃崇嘏文章洒洒蛾眉隊裏狀元韓蘭英才思翩翩紅粉班中博士夫人城仰之彌高鑽之彌堅娘子軍正正之旗堂堂之陣若個娉婷顏似玉秦氏文鸞是何佳冶豈如花趙家飛燕慧姬振鐸為嚴傳頌稱中

懶先生老婦吹篴當健兒須謂裙釵將士人且說驪姬  
 專國色我亦云薛女是香姝謝道韞解小郎圍風生雄  
 辯徐賢妃却天子名露沁新詩貌冠天朝號國夫人嫌  
 粉汚才傾菡苑毗陵女子擅詩名段元妃勿作庸人妻  
 可云尚志李絡秀請為豪士妾豈日辱身聽彈琴而辨  
 絕絃無非性敏看舞劍而主書字必是心聰韓姬投穢  
 反成千古之香賈女竊香變作萬年之臭保全夫主難  
 許婦無容却有才應付單于婚明姬有貌偏無寵倖死  
 佩詞于歡娛恐致憂愁澣婦歌屢屢富貴難忘貧賤既

長而醜晉宮應有黑崑崙彼美且都人間盡是生苦  
 翻憶卓氏姬遠山眉甚好猶憐趙家妹慵來粧獨奇更  
 思孫壽娥墮馬髻偏妍還訝桃葉女橫波眼最媚鄧夫  
 人頰加丹點愈益妖姸杜秋娘體瑩瓊脂自多嬌雅朱  
 唇皓齒乃知尤物足移人翠眉雪肌忘信冶容能誤國  
 文君致就相如病亦曰殆哉奉倩頻增翠佩悲何必乃  
 爾愛慾海未可沉埋男子軀溫柔鄉豈應老羣君王骨  
 自古婦儀無忒還須屬絮絮佳人平生女色不親畢竟  
 是真真君子

易經震一索而得男故謂之長男與一索而得女故謂之長女後漢許劭評論人物每月更其品題號月旦評間媵古美女春秋時人漢孟光字德耀配梁鴻每餽夫食必舉案齊眉羅暉集魏文帝美人薛靈芸夜入宮改名夜來妙於針工昏夜不假燈燭裁製立成號曰鍼神蔡琰作胡笳十八拍故云笳譜世說謝道韞朗之妹適王凝之張玄妹適顧氏有濟尼者遊二家或問其優劣答曰王夫人神情散朗有林下風顧家婦清心玉映自是問房之秀

周瑜字公瑾為中護軍從孫策攻皖得喬公二女皆國色策自納大喬瑜納小喬策從容謂瑜曰喬公二女雖流離得吾二人作壻亦為歡故今人呼兩姨曰大喬小喬古詩云銅雀春深鎖二喬吳越春秋越進西施于夷吳王悅其美築館娃宮以居之藝文志云古今才女女狀元蜀黃崇嘏女侍中魏元義妻胡氏女學士孔貴嬪女校書唐薛濤女進士宋林妙玉女博士宋韓蘭英晉朱序鎮襄陽符堅遣將圍府母韓氏登城行謂西北角當先受敵遂領百餘

婢并城中婦女築城二十餘丈賊攻西北角果潰遂  
 守新城時號夫人城 唐平陽公主嫁柴紹初高祖  
 起兵紹發家貲招亡命渡河主引精兵萬餘人與秦  
 王會渭北紹及公主對置幕府時號娘子軍 劉長  
 卿贈文鸞妓詩云文鸞瀟洒美如玉眉畫春山螺黛  
 綠 趙飛燕與其妹合德共坐誤唾其袖合德曰姊  
 垂染未紺碧正似石上花雖令尚方爲之未必能此  
 因號之爲石花廣袖 韋逞母宋氏傳父業乃就宋  
 家立講堂書生百餘隔絳紗幔以授業 伽藍記後

魏河間王婢曰朝雲諸羗叛王令朝雲假爲老嫗吹  
 篪敵涕泣服降語曰快馬健兒不如老嫗吹篪 戰  
 國策云麗姬者國色也 麗姬厲王妃也國 薛瑄英  
 篇 晉王凝之弟獻之嘗與賓客談論詞理將屈嫂  
 道韞遣婢白獻之曰欲爲小郎解圍乃設青綾帳自  
 蔽申獻之前議客不能屈 唐徐孝德有女名惠湖  
 州人八歲能文太宗聞之名爲才人卽徐賢妃也上  
 一日召賢妃不至怒之賢妃進詩曰朝來臨鏡臺粧  
 罷獨徘徊千金買一笑一名豈能來上乃釋 楊貴

妃女兄封為虢國夫人不施朱粉自有美艷常素面  
 朝天子杜甫詩云虢國夫人承主恩平明騎馬入宮  
 門却嫌脂粉汚顏色淡掃娥眉朝至尊唐時  
 虢陵士有女年十三咏破錢詩云半輪殘月掩塵埃  
 依稀猶有開元字緬想清光未破時買盡人間不盡  
 事人傳頌目之為毗陵女子晉段氏字元妃謂妹  
 季妃曰我必不作凡人妻季妃曰我亦不為庸人婦  
 後燕王納元妃范陽王納季妃李絡秀詳世說  
 補蔡文姬年六歲時父中郎於夜中鼓琴絃絕文姬

曰第二絃中郎復故斷一絃以問之文姬言是第四  
 絃並不差謬中郎曰偶得之耳文姬曰季札觀吳知  
 興亡之國師曠吹律識南風之不競由此觀之何足  
 不知法書苑晉衛夫人看舞劍回環擊刺之狀大  
 悟其訣遂工於書浴聞記韓重女攻英遇賊執之  
 攻英乃奔投糞穢之中以口飲糞賊舍之而去韓  
 壽美姿容買充辟為椽充女與之私通時外國進有  
 異香武帝以賜充充女竊香與壽充覺其情以女妻  
 之世說許允婦阮德如妹奇醜交禮竟允無復入

理桓範勸之許因入見即出婦提秘裾止之許謂婦曰婦有四德卿有幾答曰新婦所乏惟容士有百行君有幾許曰皆備婦曰君好德不如好色何謂皆備允慚而禮之後允為吏部有劾其私于故舊帝遣使拘詢之婦教之曰明主可以理奪爾合云舉爾所知臣之鄉里臣所知也允如其言帝考其所用人稱職遂宥之明妃詳後樂具楊貴妃與祿山戲祿山爪傷其乳恐明皇知覺乃為訶子以掩之訶子今之包肚也百里奚相秦其婦入秦為潸婦見其夫歌曰百里

奚五羊皮臨別時烹伏雌炊扃扃今日富貴忘我為百里奚感之遂相認如初扃音啖扃音晉簡文帝無子令相者閱宮人時李后形長而黑號黑崑崙相者曰是其人也簡文幸之乃生孝武裴炎嘗言人妻有三可畏少年時如生菩薩可畏及中年兒女滿前如九子母可畏及老脂粉凋謝如鳩盤荼可畏西京雜記卓文君眉不加黛望之如遠山號遠山眉趙飛燕妹合德眉號遠山黛施小朱號曰慵來粧梁冀妻孫壽娥善為妖態作墮焉髻折腰步齟齬

笑以為媚悅 王獻之妾名 桃葉詳後篇 吳豫和悅鄧夫人弄

水晶如意誤傷夫人頰 醫者以獾髓雜琥珀屑補之

及瘥有赤點更益其妍 諸嬖人更效之以要寵 杜

牧之贈杜秋娘詩 錦江秋水滑生女白如脂 左傳

叔向欲娶申公巫臣氏 其母曰吾聞甚美必有甚惡

夫有尤物足以移人 苟非德義則必有禍 漢李延

年歌曰 北方有佳人遺世而獨立一顧傾人城再顧

傾人國 寧知傾城與傾國佳人難再得 相如素有

消渴病且悅卓文君之色 遂發鋼疾 荀奉倩妻曹

翠佩有艷色 妻嘗病熱奉倩以冷身假之妻死嘆曰

佳人難再得 未幾奉倩亦卒 佛家有愛慾海之說

謂貪戀美色也 漢成帝寵愛趙飛燕目飛燕為溫

柔鄉謂曰 吾當老死溫柔鄉中不效武帝求白雲鄉

也 烈女傳唐有節婦美姿容夫死有貴家公子欲

娶之問之東鄰 東鄰曰此女潔問之西鄰西鄰曰潔

時號潔潔佳人 梁蕭譽不好女色生平惡見婦人

司馬公亦云 吾性不好女色

同黑公亦云吾世不我文也  
 却說紫雲山人采蘆簪不我文也  
 主平燕良識人  
 突之問之東漢東漢曰此文紫問之西漢西漢曰紫  
 也  
 照文世世有曾識美姿容夫及有貴客公于  
 采蘆簪曰昔當世及紫中不效死帝來自其  
 需貪戀美也也  
 幾及帝辭愛戲派燕目紫燕魚  
 出人難再掛未幾奉辭亦卒  
 此舉有愛慈之  
 率屬百體也  
 裴嘗祿燕奉辭以令自出之妻及與曰

寵妾

居之側室寵以專房容善歌鶯啼宛轉滿解舞鳳翥  
 躔絳桃柳枝却數韓公之俊小蠻樊素足稱白氏之嬌  
 碧玉姿貌娟娟莫是美於碧玉綠珠儀容雅雅應須博  
 得綠珠詩人老去鶯鶯在情意綢繆公子歸來燕燕忙  
 私○惊○欵○洽○輕○肌○細○骨○賜○罷○珍○珠○香○屑○平○皓○齒○蛾○眉○歌○殘  
 金○縷○花○枝○好○誰○為○隊○長○總○司○孫○武○子○之○兵○機○孰○是○尚○書  
 叅○預○王○丞○相○之○朝○政○文○翰○悉○用○書○仙○掌○亥○豕○無○訛○麗○詞  
 盡○付○雪○兒○歌○宮○商○有○節○偉○軀○蒙○士○寵○媚○兒○之○舞○袖○郎○當

寵妾

三

蘭雪堂



俊眼得人憐。桃葉之橫波。瑩澈孫晟家。讌所食前渾。是肉臺盤。申王府賭場。戲處盡皆人。博陸薛瑤英。寵隆于元宰相。却是香姬。李絡秀。眷愛于周將軍。乃為靜女詩。詞懇切。青娥遂別于使君。態度從容。蜀女反憐于公主。寇公費用舊桃。應有惜縑心。李子豪雄。紅拂頓生敲戶。念子京寒處。諸姬半臂齊來。建封亡時。一妓高樓獨臥。誰家絳帳。後列踰踰濟濟。聲歌何處。珠簾中奏。藹藹雍雅樂。党太尉贈佳姬于陶穀。割斷情緣。神世衡賜名媛于慕恩。剖殘恩愛。

左傳卿置側室

漢霍后傳寵之專房

白樂天詩

云花前置酒誰相勸。容坐唱歌滿起舞。容與滿樂天之二妾也。韓退之有二妾曰絳桃。柳枝出使至壽陽驛。有詩云。風光欲動別長安。春半城邊特地寒。不見園桃并巷柳。馬頭惟有月團團。蓋意有所屬也。白樂天二妾曰小蠻樊素。時有諺曰。櫻桃樊素口。楊柳小蠻腰。碧玉唐時喬知之之麗妾。梁氏女名綠珠有姿色。石季倫曾以三斛珍珠買之。唐貞元中崔氏有女鶯鶯。與張生通。後棄之。張後過其所求。

見鶯鶯賦詩曰一從清瘦減容光萬轉千回懶下來  
 不為旁人羞不起為郎憔悴却羞郎 漢成帝常微  
 行過陽阿主第見趙飛燕悅之先是童謠曰燕燕尾  
 涎涎張公子時相見帝微行常與張放俱故云張公  
 子 張子野年老欲買妾東坡作詩有詩人老去鶯  
 鶯在公子歸來燕燕忙本此 石崇愛妾數十人常  
 屑沉香末布象床上使妾踐之無跡者賜珍珠百琲  
 有跡者即節其飲食令體輕宮中相謂曰爾非細骨  
 輕肌那得百琲珍珠珠十貫 唐杜秋娘為李綺妾

唱詞云勸君莫惜金縷衣勸君須惜少年時花開堪  
 折直須折莫待無花空折枝 孫武子以兵法見吳  
 王宮中出美人分二隊以王之寵姬為左右隊長三  
 令五申隊長笑斬之用其次惟命是用雖赴水火亦  
 可 王導有幸妾姓雷叅預政事號為雷尚書 張  
 文潛納妓妾曹文姬工翰墨長安人稱之曰書仙  
 唐李密有愛姬名雪兒善歌賓友文章有奇麗者即  
 付雪兒歌之韓定公云盛德好將銀管述麗詞堪付  
 雪兒歌 宋有豪士蓄妾十餘中有媚娘軀體甚偉

古事苑

寵妾

三

蘭亭堂

豪士尤愛之。乞詩于東坡。東坡戲為句云：舞袖翩躚，影搖千尺龍蛇動。歌喉宛轉，聲動半天風雨寒。王獻之妾名桃葉，獻之歌云：桃葉復桃葉，渡江不用楫。謂眼波。南唐孫晟為司空，每食不設几案，使眾妓各執一器侍之，號肉臺盤。唐申王每與人博陸，以妓妾為局中之馬，骰擲下，隨所指揮，時號人雙陸。唐元宰妾薛瑤英，其幼時母以香丸啖之，至長肌肉悉虛，笑語生香。元載號香姝。周頴母李氏，字絡秀，父浚為安康將軍，嘗出獵，止絡秀家，父兄不在，絡秀

於內具饌甚備，不聞人聲，浚怪，使人窺之，見一女甚美，因求為妾，父兄不許。絡秀曰：門戶珍瘁，何惜一女，遂許之。絡秀嘗謂頴及嵩，謨曰：我屈節為汝家妾，為門戶計耳。由是李氏得為顯族。趙嘏有美姬曰青娥，椒上計于京，為鎮帥見之，掩為己有，椒歸達以詩曰：寂寞堂前日，又照陽臺去。作不歸雲，當時聞作沙咤喇。今日青娥屬使君，帥聞之，遂遣還焉。桓溫平蜀，以李勢妹為妾。南郡主聞而往殺之，李正梳頭，髮長委地，膚色如玉，唯不為動。容徐曰：國破家亡，無心

至此○今若見殺○乃是本懷○主抱而哭曰○阿子○我見汝○亦憐○何況我老奴○寇萊公譙贈歌妓一束綾○意尙○未見○寇有妾舊桃作詩云○一曲清歌一束綾○美人何○事意嫌輕○不知織女寒窗下○幾度拋梭織得成○李○端謂見楊素有一妓執紅拂侍側○日靖久之○靖歸逆○旅夜有紫衣戴帽人扣門○遙入脫去衣帽○乃一美人○卽紅拂妓也○靖與俱適太原○世說補宋子京多內○寵嘗宴于錦江○微寒命取半臂○諸婢各送一枚○凡十○餘枚○皆至子京○視之茫然○恐有厚薄之嫌○竟不敢服○

忍寒而歸○建封詳後妓女世說梁夏侯曹性極○馬融詳前師生客晚忽好音樂○有妓妾數十○無被服姿容○客至嘗囑○趙宋党進爲太尉有廉奏樂時呼簾爲夏侯妓衣○互詳美姬出見陶穀○穀愛之○遂以贈穀○文涑水記聞○和世衡知環州慕恩部落最強世衡皆撫而川之嘗夜與慕恩飲○出侍姬勸酒○旣而世衡起入內潛於壁○隙窺之竊與侍姬戲世衡出見之慕恩慚請罪世衡笑曰○君欲之耶○卽以遺之○由是得其死力○



太平坊下瓊瓊。辛亥最雅。薛校書還是女中才子。楚蓮  
 香莫非仙裏名姝。清歌只數莫愁。天上鳴鸞諧律呂。妙  
 舞還推絳樹。宮中飛燕弄輕柔。戎昱別瓊華。未忍春風  
 分手。錦雲戀和德。頓思夜雨留人。李師中不願侯封願  
 愛卿想爾愛卿。妙絕元微之。弗戀鱸魚。戀春色。奈他春  
 色。妍何第以粉黛。雖嬌只恐琉璃易脆。章臺柳氏已歸  
 沙。咤喇之惟。泗上周郎難見。劉鳳仙之百弱。蘭歌罷風  
 光好。只得郵亭一夜眠。麗玉恐隨春事闌。不全杜牧十  
 年約。楚館月明人遠。廣陵花落誰看。亞仙甘誓日是慾

城內打破重關。琴操樂為尼。乃苦海中先登彼岸。

唐語林。李羣玉在杜棕丞相坐。贈美人云。裙拖六幅

瀟湘水。鬢擁巫山一段雲。貌態祇應天上有。歌聲豈

合世間聞。薛濤蜀之名妓。元稹贈詩云。錦江滑膩

峨眉秀。幻出文君與薛濤。言語巧偷鸚鵡舌。文章分

得鳳凰毛。紛紛詞客多題筆。個個公侯欲夢刀。別後

相思隔烟霧。菖蒲花發五雲高。杜牧贈妓詩。百寶

粧腰帶。真珠絡臂鐲。笑時花近眼。舞罷錦纏頭。鐲音

唐時長安永新坊下名妓翠華所居。杜牧詩云。永

新街巷人如隊知是翠華眼兒媚杜詩黃四娘家  
 花滿蹊千朵萬朵壓枝低言女色多也唐崔徽張祐齊  
 名每題詩媚肆譽之則車馬盈門毀之則杯盤失錯  
 嘲李端端曰黃昏不語不知行鼻似烟窻耳似鐺愛  
 把象牙梳掠鬢崑崙頂上月初生端乞改之乃更題  
 曰覓得驪駒披繡鞍善和坊裏覓端端揚州近日渾  
 相詫一朵能行白牡丹於是賓客競集唐貞元末  
 妓阿軟產一女求名于白樂天樂天曰此女甚白皙  
 可呼曰皎皎蓋白公以種類不明取古詩皎皎河漢

女以謂之云

紅紅簡簡皆古名妓

東坡詩云衛

家小女名簡簡芙蓉花貌柳葉眼蘓小小錢塘名  
 妓時語曰錢塘蘓小小歌聲上林鳥腰細楚王宮楊  
 柳搖春風玉壺清話東東姓沈唐名妓也與竇鞏  
 卿一日死鞏悼以詩云桃花妖冶比儀容未到春殘  
 已墜紅惟有側輪車上鐸耳邊常自叫東東唐張  
 建封節制武寧納妓關盼盼于燕子樓公薨盼盼不  
 他適坐樓中十餘年而卒唐名妓薛瓊瓊居長安  
 太平坊崔懷寶作箏詩贈云平生無所願願作樂中

箏得近玉人。纖手裏。研羅裙。上放嬌聲。薛校書薛  
 濤也。善文翰。故云。元禎贈詩云。萬里橋邊薛校書。桃  
 杷樹下閉門居。天寶遺事。都下名妓。楚蓮。香國色  
 無雙。每出。蜂蝶隨之。蓋慕其香也。古今樂錄。石城  
 有女子。名莫愁。善謳歌。石城樂歌中。有忘愁聲。因有  
 此歌耳。唐高駢詩。婆娑輕絳樹。宛轉妙陽阿。言皆能舞  
 也。玉壺清話。唐韓晉公鎮襄陽。戎昱有妓。瓊華公  
 名。置籍中。昱作詩云。好去春風湖上亭。柳條藤蔓繫  
 離情。黃鶯久住。渾相識。欲別頻啼。三兩聲。公後得詩。

送以妓還。唐妓錦雲與文士傅春字和德者。狎和  
 德。受誣。遠戍。錦雲贈詩云。一呷春醪萬里情。斷腸芳  
 草斷腸鶯。願將雙淚啼為雨。明日留君不出城。人間  
 者無不悲愴。唐李師中贈妓賈愛卿詩。願得貌貅  
 十萬兵。邊戎巢穴一時平。歸來不用封侯印。只問君  
 王覓愛卿。唐元禎廉訪浙東。愛宮妓劉采春久住  
 于浙。嘗醉題云。因循歸未得。不是戀鱸魚。或戲之云。  
 不戀鱸魚戀鏡湖。春色爾。樂天贈蘓小小詩。世間  
 好物不堅牢。彩雲易散琉璃脆。唐韓翃厚妓柳氏。





披劉鳳仙其狎後妓為吳統制所得作詩別云泗上  
 鶯啼碧柳新人一別倍傷神巫山風舞行雲自  
 對酒內容泚燕來此上許晴清  
 雙芬結云冷芬體體美人間人出外准一賦開亦  
 風容盡微珠含綠葉如劍子蕭林呂絲則歌觀刻  
 然表并詩云自是韓春去效風不與開並恐共御五

蘭雪堂古事苑定本卷之六



饒安 鄧志謨景南 編輯

戴 珉潔澄

西冷 戴 璵瀾石 參定

戴 琰師曾

人品

人列三才性靈萬物賈、閻、仙、稱、詩、祖、絕、類、離、羣、歐、陽、公、  
 數、文、豪、蜚、英、騰、茂、王、摩、詰、乃、千、年、畫、手、成、連、子、固、萬、古、  
 琴、師、岐、伯、巫、咸、允、數、醫、林、之、首、冠、靈、芬、詹、尹、雅、稱、卜、十

之前矛袁耽善樗蒲于手下擲投百萬誰如孫武熟陣  
 法於胸中變化三千叵測郭璞作堪輿祖若吳若楊若  
 廖各衍其流叔服為風鑑宗曰唐曰許曰陳共分其派  
 庖丁解牛技絕刀游肯綮之間紀昌貫蝨藝精矢入毫  
 芒之處知人生死季咸實曰神巫决世榮枯康節最稱  
 仙數再問畫家誰最勝與可善竹黃筌妙花欲知御者  
 孰居優造父執鞭王良使轡曲有誤周郎顧可知音律  
 獨高卦道神君平靈僉謂卜筮有驗山中開虎口海上  
 照龍鱗孫思邈醫乎仙乎水中占馬起架上下花殘陳

希夷人也神也紀消養鬪雞之術不使氣驕諱幹畫神  
 馬之機當如真看空拳搏虎再逢馮婦為雙巧手屠龍  
 只有支離第一郢人運鼻端之斧奇則又奇羿僚弄手  
 內之九妙而益妙王積薪之圍棋更絕陳孺子之傀儡  
 何如山中獵戶只獵獸文王獵才梁王獵善豈區區使  
 追逐之虞人海上釣徒只釣魚太公釣國子陵釣名不  
 泛泛作尋常之漁父

賈島字閬仙有詩名時李商隱目之為詩祖又宋黃  
 山谷稱為江西詩祖亦謂詩伯事文類聚趙宋歐

陽公豪於文石曼卿豪於詩杜默豪於歌謂之三豪  
 王摩詰王維也善畫亦善詩嘗云宿世謬詞客前  
 身應畫師樂府解題伯牙學琴於成連子成連子  
 引之海中因教其作水仙操岐伯黃帝臣巫咸唐  
 堯時人皆善於鑿者戰國趙靈芬善卜楚詹尹  
 善卜屈原往見曰余有所疑願因先生決之云云  
 晉袁耽字彥道善博桓溫少遊博徒資產俱盡尚有  
 負欠求救于耽耽時居艱遂變服懷布帽隨溫去與  
 債主戲十萬一擲直上百萬投馬絕叫傍若無人探

布帽擲對人曰汝竟識袁彥道否孫武子極善陣  
 法實實虛虛之類變態三千今孫子十三篇是其秘  
 訣也堪輿地理之術也事文云晉郭璞者始作葬  
 經吳楊吳景鸞楊筠松廖珣春秋時叔服  
 善相人魯公孫敖見其二子焉叔曰殺也食于儻也  
 收子穀也豐下必有厚于魯後皆如其言也食謂供養  
 身也豐下謂而唐許棟謂唐舉許負陳搏諸人皆  
 方而豐厚也  
 善相人者莊子養生篇庖丁為文惠君解牛文惠  
 君善之對曰臣之所好者道也進乎技矣臣以神遇

而不以目視官知止而神欲行依乎天理批大郤導  
 大篆因其固然技經肯綮之未嘗而况大軻乎  
 子云紀昌學射于飛衛衛使之懸蠶而射之呂以鼈  
 牛之尾繫蠶于牖間旦夕視之三年大如車輪一發  
 乃貫蠶之心而鼈不絕  
 初學記春秋時季咸為巫  
 知人生死時號神巫  
 郤康節先生有梅花數事  
 文類聚宋之善書者崔白善翎毛黃筌善花人稱之  
 曰寫生  
 文與可善畫竹東坡謂其有四絕詩一楚  
 詞二草書三畫四造父周穆王之御王良趙簡子

之御樂府序云周瑜精音律誤者必察之時人謂  
 曰曲有誤周郎顧嚴君平善卜賣卜成都市人謂  
 曰卦通神君平靈問卜者相繼而至先生得百錢足  
 自養則閉戶讀道德經唐孫思邈善鑿有虎傷人  
 被金釵插于喉虎跪而張口示之思邈為出其釵有  
 龍病鱗思邈為針之時稱鑿仙陳希夷先生與客  
 遊見一赤馬一黑馬浴水客卜之何馬先起卜得離  
 卦客曰離屬火赤馬先也希夷曰火未發烟先起黑  
 馬先也果然一日客問架上牡丹花殘於何日希夷

曰來日午時至期羣馬逸出花果毀。莊子達生篇  
紀消子為王養鬪雞十日而問雞已乎曰未也方虛  
僑而恃氣十日又問曰未也猶應嚮景十日又問曰  
未也猶疾視而盛氣十日又問曰幾矣雞雖有鳴者  
已無變矣望之似木雞矣其德全矣異雞無敢應者  
反走矣消音唐韓幹善畫馬每夕必蹄齧如索水  
草人稱為畫聖。莊子朱泮漫學屠龍技于支離殫  
千金之產以學屠龍三年技成而無所用其巧。莊  
子雜篇郢人亞漫其鼻端若蠅翼使匠石斲之匠石

運斤成風聽而斲之盡墜而鼻不傷郢人立不失容  
宋元君問之對曰臣能斲之而臣之質死久矣聖音  
死也漫汚也若楚與宋戰而敗羿僚弄丸八個在  
地翼傳之甚也空中一個在手宋軍停戰望之楚得免於難。唐積  
薪從明皇幸蜀宿一村遇婦姑弈棋蓋仙女也積薪  
往看之姑曰是子可教以常勢耳積薪自是以弈鳴  
漢祖為冒頓圍於平城陳平乃作木偶美人舞於  
城上冒頓后闕氏妬忌慮下城冒頓必納遂令解圍  
漢祖因得免。列國時梁君出獵將射鴈路有行人

五 人品 請

驚鴈而起。梁君欲射殺其人。其御公孫龍諫曰：君以  
 白鴈殺人，惡乎為君？梁君喜曰：樂哉！人獵，惟待禽獸。  
 吾獵得善言而歸矣。姜子牙釣於渭水，周文王出  
 獵，遇之，載後車以歸，後封于齊。子陵隱釣於富春  
 山，光武以物色求之，故後人有詩嘲云：一着羊裘便  
 有心，虛名傳說到如今。當初只着蓑衣去，烟水茫茫  
 何處尋。

人品

民生惟庶，人品攸殊。曰野客曰漫郎，原非俗士。稱醉翁  
 稱醒老，豈是庸流。富財輩乃多田翁，客用人實守錢虜。  
 晉代說虎頭，畫匠筆有神機。唐時稱狐穴，詩人詞多僻  
 事。夫雅歌而婦善瑟，農畝家風。僮鼓柅而婢煎茶，漁家  
 滋味。神醫盧扁曾聞起死，以回生良匠。班能必是得心  
 而應手，歐公謫仙坡老皆咳唾珠玉之文人。善卷文伯  
 務光盡泥塗軒冕之逸士。嵇康乃煨者，綠楊樹下鉗錘。  
 諸葛一耕夫，紅杏村中耒耜書家。誰最勝？張芝草聖，崔

瑗草賢畫手孰居優戴嵩寫牛韓幹寫馬紙自蔡伯彥  
 造成蔡是楮先生之始祖黑乃李廷珪製出李為石處  
 士之主人絳憤雞人報曉籌朝儀不亂鐵衣爪士防秋  
 析邊境無憂變樂翁懷烽火壯圖玄真子陶烟霞樂趣  
 月作鉤兮虹作線釣鰲客誰人更步李青蓮墨為蓋也  
 硯為城筆陣圖若個能如王逸少歷觀往事悉是奇聞  
 第無人為火者用鹽梅調宰相之美若使我作縫工必  
 色線補天子之袞

唐潘展不拘小節放蕩詩酒自稱野客

元結字次

山祿山反逃難自稱浪士又稱漫郎 宋歐陽修稱  
 醉翁以醉翁不在酒之意 林中子不為酒困極醒  
 老 唐盧從愿廣置田畝人目為多田翁亦曰地癖  
 後漢書馬援傳援處田牧至有牛馬羊數千頭穀  
 數萬斛既而嘆曰凡殖貨財產貴其能施賑也否則  
 守錢虜耳乃盡散以班昆弟故舊 晉顧愷之 小字  
 為參軍善畫人目為顧虎頭畫 唐喬子曠晚唐時  
 人能詩善用僻事粧點人因目為狐穴詩人 漢楊  
 惲與孫會宗書云田家歲時伏臘烹羊炆羔斗酒自



勞家本秦也能為秦聲婦趙女也雅善鼓瑟仰天拊  
 金而歌烏鳥曰人生行樂耳須富貴何為張志和  
 有一奴一婢曰漁僮樵青配為夫婦使漁僮盧中鼓  
 樵樵青竹裏煎茶列子曰季梁病盧醫曰汝疾非  
 由天非由人亦不由鬼稟生受形既有制之者藥其  
 如何季梁曰神醫也重禮而遣之俄而白愈扁鵲  
 善醫有死者二日矣曰是尚可活也投之藥入口中  
 其人即活公輸子名班魯之巧人使黃帝時巧人  
名能音 歐公歐陽永叔 李白別號謫仙 蘇軾

號東坡 李白詩云咳唾落九天隨風生唾玉  
 卷舜時隱士冬衣皮毛夏衣葛綸舜讓以天下不受  
 支伯虞時有德之士舜讓以天下支伯曰子適有  
 幽憂之病未暇治天下也 務光湯讓以天下不受  
嵇康事 史稱諸葛躬耕南陽為梁甫吟 晉張  
詳朋友 芝字伯英章仲將稱為草聖又張旭亦稱草聖 唐  
 崔瑗善章草人謂之草賢 書譜云唐戴嵩善寫牛  
 韓幹善寫馬當時目之為戴韓兩名家 伯彥蔡倫  
 之字當時造紙人謂之蔡侯紙 李廷珪易人居歛

善製墨。人呼為李氏墨。雞人司漏之官名也。唐詩云：絳幘雞人報曉籌，尚衣方進翠雲裘。鐵衣鐵甲也。爪士、爪牙之士。馬援征交趾還，時年已六十餘。復請征烏桓，據鞍上馬以示可用。帝笑曰：矍鑠哉！是翁。唐張志和自號玄真子，又號為烟波釣徒。李太白謁宰相，自稱海上釣鰲客。相問以何物為釣線，對曰：以虹霓為絲，明月為鈞。相又問以何物為餌，對曰：以天下無義氣丈夫為餌。相竦然。王羲之筆陣圖云：夫紙者陣也，筆者刀稍也，墨者釜甲也，水硯者城

池也。心意者將軍也，本領者副將也，結構者謀畧也，出入者號令也，屈折者殺戮也，火者即云庖丁。鹽梅商榷，說事。杜詩云：平生五色線，願補舜衣裳。

盟商商... 出人意... 火音... 云... 丁... 畝... 心... 意... 皆... 祿... 單... 山... 本... 爵... 皆... 隔... 縱... 山... 絲... 舞... 皆... 疑... 畧... 也

夏育孟賁稱雄膂力道疆飛燕擅美聲歌商商御絕於  
春秋蒲苴射高於戰國御之絕更聞造父馭八駿策不  
空揮射之精尚數高駢貫二鵬箭無虛發扁鵲以名醫  
著長桑君授其真傳巫咸以鴻術鳴岐伯氏留將秘訣  
麻衣風鑑相人骨不相人皮郭璞堪輿墓龍耳弗墓龍  
角課衍陳搏之秘知宋祖帝星趙普相星相傳管輅之  
奇識何晏鬼幽鄧颺鬼躁土維畫雲水筆端造化補天  
機董奉種杏林心上陽和布春色別有畫家妙品一手

行年記

人品

十

畫○生○枝○一○手○畫○枯○枝○悉○有○奇○思○再○言○醫○士○名○流○知○疾○在○  
臍○理○知○疾○在○骨○髓○獨○精○妙○處○博○最○善○不○云○劉○毅○則○云○袁○  
彥○道○之○儔○弈○至○精○弗○曰○賈○玄○則○曰○王○積○薪○之○輩○作○盤○鈴○  
傀○儼○偃○師○昭○千○古○大○奇○為○吸○水○翻○車○馬○子○示○萬○年○絕○巧○  
歷○觀○古○輩○各○擅○所○長○第○刻○玉○巧○夫○靡○國○之○財○可○惜○而○濫○  
竿○拙○士○竊○人○之○祿○奚○為○

夏育孟黃 詳勇敢篇 漢成帝時劉道驅能作單鳧寡鵠之音  
趙飛燕能為歸風送遠之曲皆妙絕于當時 春秋  
時齊有商角者善於御馬 商音齊 戰國時蒲苴善

射○百○發○百○中○無○有○虛○矢○周○穆○王○有○八○駿○馬○使○造○父○  
為○御○巡○遊○天○下○八○駿○謂○絕○地○足不翻羽飛行如奔宵行  
萬○越○影○而○行○踰○暉○炳○毛○色○趨○光○十○行○騰○霧○而○行○挾○翼○有○身  
肉○隨○書○高○駢○見○雙○鵬○曰○我○貴○當○中○之○一○發○貫○雙○鵬○  
後○駢○為○侍○御○號○雙○鵬○侍○御○春○秋○時○扁○鵲○姓○秦○名○越○  
人○少○為○舍○長○舍○客○長○桑○君○呼○而○語○曰○我○有○藥○方○欲○傳○  
於○子○乃○出○其○懷○中○書○以○予○之○且○令○其○飲○上○池○之○水○三○  
千○日○鵲○如○其○言○從○此○視○病○盡○見○五○臟○之○癥○結○乃○作○木○  
上○之○露○未○陶○唐○時○巫○咸○以○鴻○術○鳴○而○為○帝○堯○氏○之○  
落○地○者

師相經云麻衣先生者善相人所相者不相人皮肉惟相骨骼耳晉郭璞嘗為人遷墓明帝微服觀之因問主人何以不葬龍角葬龍耳主人曰郭璞云葬龍耳天子乃至帝甚異之宋祖未登庸時與趙普飲于酒肆並席而坐陳希夷先生過之乃引趙普而下曰汝太微垣輔佐星不宜與帝星並魏管輅善相人謂鄧颺之行步筋不束骨脉不制肉此謂鬼躁何晏精爽烟浮容若槁木此謂鬼幽皆非遐福之象卒如所言王維善畫名盛于開元天寶間畫山

水雲石議者以為天機所到人力罕所能及神仙傳云董奉隱居廬山施藥治病重病愈者為種杏五株輕者種一株杏成林時號董仙杏村畫品唐張藻善畫以手把雙筆一時齊下一為生枝一為枯枝生枝則潤含春色枯枝則乾裂秋風初學記扁鵲見齊侯曰君有疾在臍理不治將深齊侯曰寡人無疾後五日復見曰疾在臍胃矣又五日復見曰疾在血脉矣又五日復見曰疾在骨髓無能為也後五日齊侯果死晉劉毅于東府聚樗蒲一判至數百萬

一樗蒲雙陸也或云一會

袁彥道王積薪詳前篇

賈玄唐太宗時

人善弈太宗與之弈玄常詐輸太宗知其詐也謂之曰再圖一局汝勝賜以紉不勝投之泥中既而局平輸一子太宗令投之泥中玄呼曰臣堊中尚有一子太宗大笑乃賜之緋事文類聚云傀儡者乃春秋時師偃所作後陳平解平城之圍作木偶美人者沿其舊耳事文類聚云馬鈞作水車巧信于常利用于世宋人有刻玉為楮葉者三年而成雜之楮葉中不辨列子曰使造化三年而成一葉物之有葉者

亦鮮矣列子云齊宣王好竽一吹必三百人皆食祿南郭先生不解吹而雜于三百人之中以竊祿宣王薨後王曰寡人好竽欲一一吹之南郭先生乃逃

王蒙對王日寢人波半燈一一知之南曉武主以  
新南曉夫坐不檢也而聯下三行入之中以辭新宜  
亦猶矣 陳子江夜宜王波半一一必必三百人計負

人事

負○荆○謝○蘭○頗○曰○知○非○鼓○瑟○干○齊○示○云○投○好○刁○存○泣○含○雞  
舌○格○物○未○能○蔡○公○誤○食○蟛○蜞○讀○經○未○熟○曰○蠻○荆○曰○獫○狁  
習○孫○之○戲○謔○俱○奇○稱○沙○礫○稱○糠○粃○王○范○之○嘲○譏○並○美○市  
中○之○虎○語○言○豈○是○真○情○非○底○之○畦○小○見○乃○稱○實○事○數○淮  
南○一○老○便○見○獨○優○說○魯○國○兩○生○乃○知○不○肯○鳳○毛○五○采○聰  
明○之○令○子○誰○倫○鼠○首○兩○端○疑○惑○之○小○人○酷○似○毛○先○生○片  
言○九○鼎○士○重○謀○猷○季○將○軍○一○諾○千○金○人○高○信○行○兩○尾○牛  
應○行○兵○有○尖○一○株○竹○兆○應○舉○皆○榮○副○故○友○于○長○安○橋○起

銷魂之號。憶仁人于峴首。裨垂墮淚之名。一犬吠形。百犬吠聲。覺世事從風而靡。一人道好。千人道好。知與言隨俗而傳。黠狗行兇。難免果卿之罵。鴉媒肆毒。已生屈子之悲。樂羊子功績未成。謗書滿篋。郭林宗聲名最重。謁刺盈車。李陵降而隴右俱慚。于木隱而河西具美。禮儀最當。公孫開東閣以尊賢。刑戮非宜。秦帝阮咸陽而殺士。綈袍有贈。却知舊愛。猶存醴酒。不來更覺新恩。寢薄。左提戈。右取印。曹國華終身事業。已規週歲。妖弘右舉。杯左持。螯畢吏部。行藏且得一生快樂。

史記廉頗負荆謝蘭相如之罪。韓文公答陳商書。

齊王好琴。有求仕于齊者。抱瑟而往。三年不得入。客

曰。王好琴。而子鼓瑟。瑟雖工。如王不好。何。漢侍中

刁存。口臭。桓帝出雞舌香與合之。存以為帝賜之毒

藥。歸家泣之。友人求藥視之。曰。此雞舌香也。紫公

見水。世說習鑿齒襄陽人。孫盛太原人。孫語習曰。

蠢爾蠻荆。敢與大邦為讐。習復云。薄伐獫狁。至于太

原。世說王文度范榮期俱為簡文所重。范年大而

位小。王年小而位大。王或有時在范後。王曰。簸之揚



之穰、穰在前、范曰、洮之汰之沙、礫在後。韓子、魏龐  
 共與太子質于趙、恐趙王之信讒也。謂王曰、一人言  
 市有虎、王信乎、曰否、共曰、二人言市有虎、王信乎、曰  
 否、共又曰、三人言市有虎、王信乎、曰信之矣、共曰、市  
 本無虎、而三人言之、則成願、王察之。井底蛙 漢  
 應曜隱淮南山、與四皓俱徵、四皓往、曜獨不出、人語  
 曰、商山四皓、不如淮南一老。漢以叔孫通制禮徵  
 魯諸生、魯有兩生不肯行。原毛五采 漢書田蚡  
 怒韓安國曰、何為鼠首兩端。鼠性多疑、每出穴一

進一退、故云。毛遂事 史記曹丘生曰楚諺曰得  
 黃金百斤、不如季布一諾、足下何以得此、声于梁楚  
 間哉。唐史黃巢出師、夢兩尾牛、解者曰、牛兩尾、失  
 字也、恐行軍不利、果然。宋王君炳二子赴秋試、夜  
 夢有人持竹一株、與種之、解者曰、二郎君俱中選矣。  
 竹字兩個也、果俱選。銷魂橋 晉書羊祜守襄陽  
 有功德及民、既死、葬於峴首山、望其碑者、輒墮淚、人  
 謂之墮淚碑。峴、胡典切 賢上声 王符論云、一犬吠形、百犬  
 吠聲。柳子厚表云、吏奸難治、知射影之無端、口語

橫生信吹聲之可畏。樂城集云：衆口效尤，一人道好。于人道好。唐書：祿山反，顏杲卿罵曰：「點狗朝廷，何負于汝而汝反耶？」祿山怒，截斷其舌。杲卿含忍而死。楚辭：吾令鳩為媒，鳩告予以不好。鳩，媒謂也。史記：樂羊為魏文侯將，攻中山三年，拔之。文侯封之靈壽。羊曰：「臣攻中山，有謗臣于王者，謗書盈篋，大王不信之，故臣得拔中山。此非臣之功也，大王之功也。」後漢：郭林宗名重京師，士爭歸之，載刺常盈車。也。唐文粹云：干木隱而河西美，李陵降而隴右慚。

漢書：公孫弘為武帝相，常開東閣以延賢人，其館有欽賢館、翹林館之名。通鑑：阮諸生四百六十餘人於咸陽。緇袍，詳後衣服。趙宋曹彬字國華，試迴之日，左手提戈，右手取印，餘無所取。世說：畢卓字茂世，為吏部郎，嘗謂人云：「一手持蟹螯，一手持酒杯，拍浮酒池中，便足了一生。」蟹，音放。

一○年○并○西○林○昨○到○斷○中○興○只○一○主○音大且  
 此○編○畢○卓○宰○數○世○意○與○時○須○嘗○謂○人○云○一○手○并○禮○登  
 宰○國○華○精○既○之○日○六○年○其○又○以○年○如○不○籍○無○也○  
 百○六○十○餘○人○似○如○此○西○精○前○實○上○人○ 此○宋○曹○淋  
 自○趁○賢○論○林○翰○之○片○與○論 歸○之○載○刺○ 則○語○半○四  
 與○曹○公○恐○足○為○先○帝○昨○常○問○東○閣○以○致○費○人○共○能

人事二

莫○莫○休○休○辭○云○禁○止○匆○匆○袞○袞○義○曰○會○皇○藉○一○葉○濃○陰  
 可○資○覆○蔭○擴○萬○間○巨○庇○盡○屬○蚺○螾○人○有○一○天○我○有○二○天  
 更○是○大○恩○之○亭○毒○河○潤○百○里○海○潤○千○里○乃○為○渥○澤○之○沾  
 孺○退○我○一○步○行○固○安○樂○法○道○人○三○個○好○真○喜○歡○緣○禮○重  
 敬○賢○徐○孺○下○陳○蕃○之○榻○事○于○報○德○趙○公○倒○靈○輒○之○戈○下  
 城○將○社○稷○臣○總○為○美○譽○糞○上○臣○牛○馬○走○悉○是○謙○辭○李○長  
 源○黃○臺○瓜○辭○默○存○譏○諷○范○文○正○碧○甌○藜○賦○微○露○生○平○握  
 拳○透○爪○是○忠○精○洗○垢○索○瘢○為○刻○薄○眾○口○鑠○金○積○毀○銷○骨

古事苑

人事

六

蘭雪堂

鄒陽喻肆譖之烽炎寸雲點日尺霧障天唐主弘審讒  
 之度量見人多褒貶豈非皮衰陽秋待物有高低却是  
 眼中青白深嘉王粲足縮縮何屣趨迎不直董公氣揚  
 揚佩刀橫揖囚酒星于天獄曾觀斷飲之嘉言泣馬角  
 于秦庭又見還鄉之異事捧漏甕而沃焦釜寧有聞工  
 因勁風而摧枯枝更無遺力眼中淚心中事意中人相  
 思一段摠三折編三絕書三滅好學十分肆讒掩鼻楚  
 姬甚是奸心藏摠沉文徐陵却有厚道戶寫午門題鳳  
 規親規友之隱言磨楷麥刀割梨見子見夫之異夢

唐司空圖云休休莫莫伎倆雖多性靈惡 杜詩  
 逢難袞袞告別莫匆匆袞袞不安 唐鄭太穆為刺  
 史時致書于司空嶼曰分千樹一葉之影即是濃陰  
 瀛洲有影木日中視之一葉百影 杜甫歌云安  
 得廣廈千萬間大庇天下寒士皆歡顏 後漢蘓章  
 遷冀州刺史故人為清河太守章行部按其奸贓太  
 守為設酒餼陳平生之好甚歡太守喜曰人皆有一  
 天我獨有二天章曰今日蘓孺文與故人飲者私恩  
 也明日冀州刺史按事者公法也遂舉正其罪 翰

苑新書云大德併幪人有一天我有二天厚恩滂沛  
河潤百里海潤千里 蕪子瞻詩退一步行安樂法  
說三個好喜歡緣 後漢陳蕃為豫章太守郡人有  
徐孺子者蕃特設一榻待之孺子去其榻復懸 左  
傳趙盾田於首山舍于翳桑見靈輒食之牛肉既而  
晉侯伏甲攻盾提彌明負之出公嗾大獒彌明死之  
輒倒戈以禦公徒而免之問其名曰翳桑餓夫也  
下城社稷 俱詳英賢 隋伐高麗高麗主上表稱糞上臣隋王  
哀之遂罷兵 太史公稱牛馬走猶謂人掌牛馬之

僕 唐肅宗紀上因張良姊之譖殺建寧王暎李泌  
引武后事諷諫述黃臺瓜辭曰種瓜黃臺下瓜熟子  
離離一摘使瓜好再摘使瓜稀三摘猶為可四摘抱  
蔓歸今陛下已一摘矣慎毋再摘上愕然 范仲淹  
薤賦云陶家甕裏淹成碧綠青黃措大口中嚼出宮  
商角徵 握拳透瓜 許倫行篇 唐魏徵疏云今之刑賞或由  
喜怒怒則洗垢索瘢謂洗開塵垢求瘢痕也 漢鄒  
陽傳衆口鑠金積毀銷骨 唐太宗紀段志冲上封  
事請上致政于皇太子長孫無忌請誅志冲上手詔

曰朕若有罪是其直也。若無罪是其狂也。譬之尺霧障天，不虧于六寸雲；點日，何損于明。晉褚裒字季野，桓彝曰：季野皮裹陽秋，言其外無臧否，而內有褒貶也。謝安曰：哀雖不言，而四時之氣備矣。阮籍能為青白

眼詳後形體第二篇 起倒 迎之曰：此王公孫有異才。後漢董卓欲廢帝，立陳留王。袁紹曰：公廢嫡立庶，恐眾不從公議也。卓謂紹曰：監子天下事，豈不由董公。爾謂卓之刀不利耶。紹曰：天下健者豈一董公。佩刀橫揖而去。唐

聞斷酒誠云：椎金壘，碎玉椀，破兕觥，損瓠瓚，囚酒星于天獄。焚醉籍于秦坑。史記燕丹質于秦，秦留之。曰：馬生角，烏頭白。放汝還丹，泣於天馬，乃生角。烏乃頭白。秦不得已遣之。史記秦伐趙，趙請救于齊。其臣周子曰：今日亡趙，明日患及齊。救趙之務，宜若捧漏甕而沃焦釜也。漢書：兵勢之疾，如因勁風而掃枯枝。張子野詩句：有眼中淚，心中事。意中人之語。自號張三中。人孔子世家：孔子晚喜讀易，鐵櫪三折。韋編三絕，漆書三滅。櫪音說苑：魏遺楚王美人，楚

王悅之鄭夫人謂美人曰王甚愛子然惡子之鼻見  
 王必掩之美人從之王問夫人曰美人見寡人必掩  
 鼻何也對曰似惡王之鼻者王曰悍哉即令剗之  
 世說梁遣徐陵聘齊齊錄魏政文字遣之令傳之江  
 左陵過江閱之無甚奇乃沉于水曰吾為魏公燕拙  
 談林昔有訪友者友不在題午字于戶識者曰午  
 字牛不出頭也自晉嵇康有友訪之值康外出題鳳  
 字于門嵇歸曰鳳字凡鳥也與夢錄有婦失夫  
 寄食于尼夢人使磨麥尼解之曰磨麥見夫面也果

得聚首又一人登舟失子夢與子分梨心甚快快解  
 者曰梨開見子也未幾子果至識多謀先事無防

徒薪猶可... 當機不惑... 中流砥柱... 能移... 東之...

昔日樂開良干出未幾干果至  
野藥首又一人登供失干與與干  
食樂以甚妙妙

人事三

鷦鷯一枝頗知自足。狡兔三窟更識多謀。先事預防非  
突徙薪猶可聽。當機不惑中流砥柱孰能移。獻遼東之  
豕空自矜誇。為轅下之駒不勝局促。放臬囚鳳虐仁而  
從暴奚為用。蚘投魚得重而棄輕。固爾薛趨懷三恨。素  
志忡忡。楊震畏四知。寸心皎皎。流俗中立異。豈勝眾楚  
之咻。忿心處。怡尤。又是一秦之患。虎皮羊質。邛屬虛文。  
梘貌蠟言。正為詐術。譖言數至。宜乎曾母投杼。謀畧未  
臧。是以留侯借箸。中心悅服。彬彬諸子。樹降旗。外貌莊

古事苑

人事

三

周厚堂



嚴隱隱一夫為敵國害人常肆惡誰不曰腹險有戈枉  
已不知羞正所謂顏厚如甲出言隨改定知口有雌黃  
比眾最良竟是眉多毫白燭火雖無大明之耀鉛刀竟  
有一割之能有懷仰慕劉秀才徒步歸韓不盡揄揚楊  
祭酒逢人說項鼯鼠之依社稷自覺堅牢蒙鳩之托葦  
茗寧知柔弱入班超之虎穴偏從危險處立功名登李  
膺之龍門更向尊榮中增聲價謹言志士三緘口諒彼  
寡尤送別離人百結腸想渠多恨寧為雞口毋為牛後  
更知烈士有剛操只作秋霜不作濼羊始信貞夫無靡

節鏤雕桃梗嘲譏士偶是何為刻畫無鹽唐突西施應  
可笑密言舐我柔媚須防冷語冰人奸諛莫耐士窮鯁  
落上天而欲借以風誰肯吹嘘友薄情乖下井而猶投  
之石大堪嗚咽

莊子鷦鷯巢林不過一枝戰國策馮驩謂孟嘗君  
曰狡兔有三窟今君有一窟未得高枕而臥臣請為  
君復鑿二窟漢書霍氏奢侈徐福三上書輒報罷  
後霍氏誅滅告者皆封人為徐福上書云客有見主  
人竈直突旁有積薪請更突徙其薪不然有火患主

人不應俄果失火隣里共救得息殺牛置酒謝灼爛者而不錄言曲突者人謂主人曰曲突徙薪無恩澤焦頭爛額為上客砥柱詳前地理漢紀武帝怒鄭當時曰公平生數言魏其武安長短今日廷論局促效轅下駒後漢劉陶傳云陳耽上言今公卿所舉所謂放鳴臬而囚鸞鳳六朝傅縡以詩五十韻示薛道衡道衡和之南北稱美魏收曰縡所謂以蚓投魚耳隋唐佳話薛元超嘗謂人曰吾平生有三恨不以進士擢第一一恨不娶五姓之女二恨不得

修國史三恨後漢楊震為荊州刺史舉王密為茂才除昌邑令震復為東萊守密夜懷金十斤遺公且曰暮夜無知公曰天知地知子知我知張耳傳陳王勝欲族武臣等家相國房君曰秦未亡又誅武臣等家此又生一秦也揚子羊質虎皮見草而悅見豺而戰言有虛文無實節也柳子鞭買文富者以錢五萬買鞭曰愛其黃而澤也童子以湯濯之則枯而白矣蓋黃者梳也澤者蠟也今之梳其貌蠟其言其賈技于朝者多矣國策秦甘茂曰人有與會參

同姓名者殺人。人告其母曰：曾參殺人。母曰：吾子不殺人。織自若。少頃，人又曰：參殺人。母又織自若。三告之，其母投杼而走。漢王與酈食其謀欲復立六國，後張良知之，會漢王方食，良曰：請借前箸為王畫之。皇甫湜手帖云：鄆堂特高古風，敢樹降旗，謂退之。溪堂詩也。吳漢為人質厚，少文，造次不能以辭自達。光武曰：吳公隱若一敵國。林甫腹險唐王光遠好干索權豪，或遭撻辱，畧無改悔，人謂其顏厚如十重甲。晉士衍善談老莊義理，有所未安，隨即更

改人號為口中雌黃。白眉詳唐文粹大明一出。

燭火無光。大明晉以譙王承為湘州刺史，行至武

昌王敦與之宴，謂承曰：足下雅素佳士，恐非將相材也。承答曰：公未見知耳。鉛刀豈無一割之用。唐劉

又傳又聞韓退之容接天下士，徒步歸之。南部新

書楊祭酒贈項斯詩云：幾度見君詩，盡好及觀標格。

過於詩。平生不解藏人善，到處逢人說項斯。漢中

山靖王傳社，歷不灌稷，鼠不攻所托，然也。荀子蒙鳩以羽為巢，而編之以髮，繫之葦苕，風至苕折，卵破

子死巢非不完也。所繫弱也。漢班超以三十六人使邊曰不入虎穴焉得虎子。世說李元禮風格秀整高白標持欲以天下名教是非為己任後進之士有升其堂者皆以為登龍門。家語孔子觀周廟有金人焉三緘其口而銘其背曰古之慎言人也。燕子由詩苦哉離別思結我腹中腸。戰國策燕秦說韓曰寧為雞口毋為牛後以大王之賢挾疆韓之兵而有牛後之名竊為大王羞之。漢光武崩廣陵王荆作飛書與東海王曰寧作秋霜不為檻羊。蓋秋霜殺物檻

羊受制於人也

戰國策孟嘗君將入秦燕代止之曰臣來

溜上見桃梗謂土偶人曰子西岸之土也。莊子以為人降雨下溜水至汝殘矣。土偶曰子東園桃梗爾刻削為人降雨下溜水至子漂矣。今秦若虎口君入之臣不知所出矣。晉庾元規語周伯仁曰諸人皆以君方樂廣。周曰何乃刻畫無鹽。唐突西施耶。無鹽齊如離刻無鹽對西施也天祿外史孟蜀與潘在廷以財結權要或責之孟答云非藉是求援不欲其以冷語冰人爾。杜子美詩楊雄更有河東賦惟待吹

噓送上天。唐韓文公撰柳子厚墓誌云。今夫平居里巷相慕悅。酒食遊戲相徵逐。詡詡強笑語以相取。下笑握手。出肺肝相視。指天日泣涕。誓生死不相負。真苦可信。一旦臨小利害。僅如毫髮比。反至若不相識。落落陷穽。不一引手救。反擠之。而又下石焉者。皆是也。此宜禽獸所不忍為。顧其人自視以為得計。聞子厚之風。亦可少愧矣。

傷逝

人既有生。孰能無死。鄭玄算促。已知歲在龍蛇。賈誼命傾。自覺日斜。庚子紀姓名。乃登鬼錄。去東縛如解天。駿恨切林臯。惜木風之不靜。歌傳海島。感薤露之易晞。義士云亡。碧化萋弘之血。忠臣既溺。些招屈子之魂。青松宅千古。妻涼長夜。臺百年岑寂。夢驚吹白。喪妻實有異符。情切鼓琴。泣弟寧無至痛。顧雍失愛子。搢掌而流血。堪矜奉倩。殞佳人。擱淚而傷神。可惜衰悲。椿樹折門人。因廢蓼莪詩。修泣萱花殘。鄰里為收桑柘社。沈君開窀

夢地中曾現漆燈。王令出塵寰。天上俄垂玉樹。生孝死  
孝。人情自爾攸殊。小祥大祥。喪制原來有別。恨繡魚之  
未長。裴晉公死。猶不甘識陶大之無裨。金樓子。堊殊有  
理。醉之絮酒。實為佳士。高風。列以芻靈。乃是先人。樸典  
作誄文。四十輩。必稱趨之。素行可嘉。行吊禮三萬人。唯  
陳實之。綴猷足錄。

鄭玄夢孔子告之曰。起起。今年歲在辰。明年歲在巳。  
既寤。以識合歲。知命當終。識云。歲在龍蛇。賢人嗟。遂  
寢疾而卒。賈誼為長沙王傅。有鵬飛入舍。作賦云。

四月孟夏。日斜庚子。鵬集予舍。止于座隅。諒竟卒焉。  
主魏文帝與吳質書。昔年疾疫。親故多罹其災。觀其  
姓名。已登鬼錄。莊子人化而死。解其天毀。墮其天  
表。言解其束縛也。春秋時。臯魚遊於外。及歸。父母  
已死。向林臯而哭。孔子問其故。答曰。樹欲靜而風不  
寧。子欲養而親不在。遂哭而死。田橫既死。門人隨  
柩而哀。作挽歌云。薤上露。何易晞。露晞明朝猶復落。  
人生一去何時歸。蒿里誰家地。聚斂精魄無賢愚。鬼  
伯一何相催促。人命不得少踟躇。李延年分薤露。送

王公貴人蒿里送士大夫庶人使挽者歌之。莊子  
 外物篇人主莫不欲其臣之忠而忠未必信故伍員  
 流于江。萇弘死于蜀藏其血三年而化為碧。事文  
 類聚屈原被放而死弟子宋玉作招魂曰光風轉蕙  
 汜崇蘭些。○些語辭朱玉招魂語末皆云些故挽歌  
 曰哀些。些去聲青松宅長夜臺皆謂墳墓。西陽雜  
 俎江淮王生善卜賈客張瞻將歸夢炊白中問王生  
 生曰君歸不見妻矣白中炊無釜也瞻歸妻已卒。  
 晉書王獻之死徽之入坐靈牀上取獻之琴彈之音

律不調擲地哭曰子敬子敬人琴俱亡因慟絕良久。  
 月餘亦卒。世說豫章太守顧劭顧雍之子劭在郡  
 卒訃書至雍以爪掐掌血流沾禡嘆曰已無延陵之  
 高豈可有喪明之責耶。魏荀粲字奉倩娶曹洪女  
 有姿色妻亡不哭傷神撫膺嘆曰佳人難再得未幾  
 奉倩亦卒。王哀字偉元父儀為司馬所殺及設教  
 每讀詩至蓼莪篇曰哀哀父母生我劬勞未嘗不嗚  
 咽門人遂為之廢此詩。王修事左傳楚共王病  
 告諸大夫曰孤獲保首領以歿于地惟是春秋窳窳

之事謂祭祀長夜謂埋葬唐沈彬近居阜上有一  
 大樹曰吾死可葬于是既死臨葬穴乃一古塚中有  
 漆燈銅牌篆云佳城今已開雖開不葬埋漆燈猶未  
 滅留待沈彬來晉王喬為葉縣令將死有一玉棺  
 自天而下喬曰上帝召我矣遂沐浴更衣入玉棺而  
 卒世說王戎和嶠俱居父母喪王雞骨支床和哭  
 泣備禮武帝問劉仲雄言和可哀仲雄曰和雖備禮  
 神氣未損也王雖不備禮而哀毀骨立臣以為和嶠  
 生孝王戎死孝陛下不必憂嶠而應憂戎唐裴晉

公臨終謂人曰午橋庄松雲嶺未成軟碧池繡魚尾  
 未長漢書未終篇為可恨耳梁金樓子曰吾亡可  
 以孝經一卷道德經一帙華陽劍一口自隨外此若  
 瓦雞無司農之益陶犬無守夜之警慎毋以此為  
 上物後漢徐孺子於人家有喪炙雞一隻以綿絮  
 漬酒直至靈所滴酒以雞奠之奠畢而去並不問主  
 人晉書郝超死之日士大夫操筆為誄者四十人  
 後漢陳實卒海內赴吊者三萬餘人制麻者以百  
 數共刊石立碑諡文範先生



大。送。刺。實。卒。前。因。括。吊。奉。三。萬。鎰。入。婦。練。皆。以。所。  
 人。晉。書。徐。該。張。之。曰。士。大夫。辨。筆。無。精。皆。四。人。  
 貴。而。直。全。靈。祖。商。既。以。難。莫。之。莫。其。而。生。並。不。問。計。  
 以。幸。而。對。美。命。斷。于。人。奉。旨。喪。淡。難。一。步。以。歸。家。  
 未。幾。黃。背。未。絲。為。魚。何。則。耳。聚。金。數。百。山。晉。古。而。  
 公。謂。徐。階。入。曰。中。辭。出。外。書。發。未。知。其。弊。此。淋。燕。風。

傷逝二

萬。事。風。燈。九。原。草。露。丈。夫。事。已。定。方。可。闔。棺。賢。士。命。將。  
 終。正。當。易。簣。袁。淑。以。卦。占。而。卒。事。則。先。知。少。游。因。詩。識。  
 而。亡。數。皆。前。定。冥。司。非。廣。漠。顏。回。脩。地。下。之。文。天。府。正。  
 清。虛。李。賀。作。樓。中。之。記。雷。轟。寢。室。劉。器。之。遽。爾。無。生。星。  
 墜。營。中。蜀。丞。相。忽。然。不。祿。蚤。卒。營。公。明。不。見。男。婚。女。嫁。  
 忽。奄。衛。叔。寶。堪。憐。棟。折。梁。摧。仲。尼。既。殞。山。頽。果。見。哲。人。  
 萎。韓。相。云。亡。樹。稼。曾。聞。達。官。怕。作。文。未。完。稿。陸。平。原。應。  
 動。餘。悲。殉。墓。有。遺。言。魏。武。子。實。非。治。命。風。蕭。蕭。兮。塵。黯。

黯馬嶺。綸死。楊妃烟淡淡。今浪悠悠。湘水沉埋。屈子梁  
 鴻。塋要離。塚側死。後芳鄰。鄭泉殯。陶家舍。傍生前。宿願  
 岡名金粟。固為唐主。塋區地曰虎丘。更是吳王殯所。楊  
 家之窀穸。曾致大禽。陶母之丘陵。却來異鶴。謝安薨而  
 雞入夢。預兆昭然。賈諒沒而鵬止。隅先機。炳若虞翻。以  
 青蠅作吊客。可知憤懣之辭。莊子以萬物為送資。足認  
 誕虛之見。一束生芻。吊人徐穉。惟因德兩行。血淚哭母。  
 高柴不是愚。篋中存稿。相如上封禪之書。漏下停棺。史  
 魚表陳屍之諫。死諸葛走生仲達。雖生而猶畏死。死姚

崇算生張說。既死而能料生。猗歟奇男子。死來須作鬼  
 雄。偉哉烈丈夫。化處更騎箕尾。

萬事風燈二句。乃唐人語。韓詩學而不已。闔棺乃  
 止。晉劉毅云。丈夫闔棺事方定。檀弓曾子疾。童  
 子偶坐而執燭。曰華而皖。大夫之簣與。曾子曰。然斯  
 季孫之賜也。乃命曾元起。易簣反席。未安而沒。唐  
 袁淑遇異人。付之書曰。每受一命。開一幅。累任皆驗。  
 一日巾櫛。見鏡中有蛇。尋疾餘函。尚多。開一函。乃書  
 蛇盤鏡。遂卒。秦少游嘗作詞。末句有云。醉臥古藤

樹下杳不知南北。後左遷滕州而卒。乃于詞有驗云。  
 王隱晉書。蘇韶已死而甦。其弟節問地下事。韶言。  
 顏淵卜商俱為地下脩文郎。唐李長吉將死時。忽  
 晝見一緋衣人。駕一赤虬。持一版書。上皆太古篆文。  
 其人曰。帝成白玉樓。立名君為記。尋卒。言行錄。劉  
 元城器之死時。忽大風驟雨如注。雷電晝晦於公正。  
 寢。及雨止。辨色。公已終矣。人咸異焉。蜀志有赤星  
 而芒角。流諸葛營壘中。俄而亮卒。魏管輅字公明。  
 謂弟辰曰。天與我才。不與我壽。恐四十上下不見女。

嫁男娶也。及卒。止四十八。晉衛玠字叔寶。一日死。  
 謝幼輿嘆曰。棟折梁摧。能無慟乎。檀弓。孔子蚤作。  
 負手曳杖。逍遙於門。歌曰。泰山其頽乎。梁木其壞乎。  
 哲人其萎乎。既歌而入。子貢聞之。曰。泰山其頽。則吾  
 將安仰。梁木其壞。哲人其萎。則吾將安放。夫子殆將  
 病也。蓋寢疾七日而沒。唐書。寧王目疾。引諺語。樹  
 木稼。達官怕。必大臣當之。吾其死矣。果然。王荆公  
 挽韓魏公詩云。樹稼曾聞達官怕。山頽果見哲人萎。  
 唐陸平原臨死曰。窮通時也。古人貴立言以為不

朽吾所作書未成。以此恨爾。左傳晉魏武子有嬖妾無子。武子疾。命嬖曰必嫁之。疾病則曰必以為殉。及卒。嬖嫁之。曰疾病則亂。吾從其治也。唐書祿山反。明皇西幸。至馬嵬驛。軍士怨望。以為名亂者楊國忠。貴妃也不肯進。侍臣曰。軍士有變。奈何。上不得已。殺國忠。以貴妃縊死。屈平忠於楚。懷王因人之譖而放逐。平乃自沉於汨羅江而死。後漢梁鴻疾而死。臯伯通求墓地。下要離塚。旁咸曰。要離烈士。而伯鸞清高。可令相近者。吳志鄭泉性嗜酒。臨卒語同。

輩曰。必葬我陶家之側。庶百歲之後。化而成土。幸見取為酒壺。實獲我心。唐玄宗出幸。見金粟岡有龍盤鳳翥之勢。謂侍臣。吾萬歲後宜葬此。及升遐。羣臣乃依旨葬焉。春秋時。吳王闔廬死。葬國西。銅棺三重。水銀為池。金玉為鳧雁。槃郢魚腸。具在。葬後三日。金精之氣上騰。化為白虎。踞其墳。因名虎丘。槃郢魚腸。吳王名。漢書楊震死。臨葬有大鳥棲于墓前。數日不去。晉陶侃母死。臨葬有二客來吊。儀容俊偉。侃延之坐於墓廬。疑其非常人也。及出戶。使童覘之。化雙

鶴冲霄去。謝安疾謂人曰：昔吾夢乘溫輿行十六里，覩一白雞而止。吾意乘溫輿者，代溫任也。十六里，今十六年。白雞主酉，今太歲在辛酉，吾疾不起乎？尋薨。賈逵詳前日，斜庚子句內。吳虞翻放棄，謂人曰：自恨疏節，骨體不媚，犯上獲罪，當長沒海隅，生無可與語，死以青蠅為吊客，足以不恨耳。莊子將死，弟子欲厚葬之。莊子曰：吾以天地為棺槨，日月為連璧，星辰為珠璣，萬物為齋送。吾葬具豈不備邪？何以加此？弟子曰：吾恐烏鳶之食夫子也。莊子曰：在上為烏鳶食，在下

為螻蟻食，奪彼與此，何其偏也。郭林宗母死，徐孺子往吊，置生芻一束於廬前而去。或問其故，林宗曰：此必南州高士徐孺子也。詩不云：平生芻一束，其人如玉。吾無德以當之。家語：子羔母死，泣血三年，未嘗見齒。漢司馬相如既病，天子使使者往取其書。使至，相如死，妻曰：長卿未死時，有一卷書，使者求書奏之，乃言封禪事。衛靈公寵彌子瑕，疎蘧伯玉，史魚以不能進賢，退不肖為耻。既死，猶以屍諫之。蜀志：孔明死，遺命令姜維護屍歸蜀，司馬懿追之，見其

反旗向鼓。不敢追而走。人語曰：死諸葛走生仲達。世說：唐姚崇與張說同為宰輔，各懷疑阻。張銜之崇，病戒諸子曰：張與吾有隙，然其人奢侈，尤好服玩。吾沒後來，吊汝盛陳吾平生服玩，彼若寓目，悉賞送之。遂以神道碑請稿，成即刊刻。張料事遲，後必有悔。諸子如其教，其碑文畧曰：八柱承天，高明之位，列四時成歲，亭毒之功。全時謂極筆，後果求稿，改之。姚氏諸子引使者視其碑，仍告以奏御，使者復命。張悔恨撫膺曰：死姚崇能算生張說，吾今日方知才之不及遠。

矣。文選：屈原國殤云：身既死，神以靈。子魂魄分爲鬼雄。事文類聚：傳說孕箕尾而降生，及死其精神乘東維，騎箕尾，故天上有傳說星。宋趙鼎之死，曰挽云：生騎箕尾歸天上，氣作山河壯本朝。本此。

世說唐姚崇與張說同為宰相。張說之  
病。姚崇子曰。張說吾有疾。其大者。心  
後。後來。汝盛陳吾非生。彼若。萬日。志。實。送。之。  
遂以神道。解。請。稿。成。即。刊。刻。張。祥。事。錄。後。必。有。海。諸  
。天。主。神。其。早。謁。天。主。於。卦。山。派。本。障。本。北。四。時  
。乘。東。轡。結。其。早。姑。天。主。自。鞠。結。星。宋。能。鼎。之。張。自。對  
。眼。能。事。文。能。梁。鞠。結。早。而。糾。主。文。其。其。其。其  
。與。文。聖。風。風。國。慶。云。自。相。取。師。以。靈。千。縣。與。分。寫

